



Zirhtupawl Khiihmuhtu

Biblethu Level 3 le 4

B Series
Zirnak 7-12

Bible Educational Services

Registered Charity UK (No 1186004)

Tumtah Mi

Leitlun pumhuap a ra lai ding mi san hrang Jesu Khrih thutak thlën dingih pehtlaihawkternak hrang Bible zir ding mi suahsak hi a si.

Duhthusam

Leitlun pumhuap ih pumpeaw mi hnaṭuanpipawl bāwm le ṭhansoternak ah anmai ṭawng rori in zirdān ding kan timlam mi thawn a ra lai ding mi san thlenpi dingah a si.

THUTLANGPI THEIHTERNAK

BES in ziang a tuah:-

BES (Bible Educational Services) cun “Biblethu”, “Nun Thar” le “Sarkhawmtupawl” (Gleaners) ti mi Bible zirnak peksuah le UK le ram dangdangih Carek Bible Tlawng (Postal Bible Schools) le BES Bible zirnak hmangtu pawlkāwmpawl va tlawnnak, thurawn peknak in le *training* peknak pawl ih va bāwm hna a ṭuan. Culawng si loin, BES cun himi Bible zirnak lehlin, mawi zetih an leh mi tawlrelsak, namsak le zemsuahnak hna cu leitlun ram dangdangih pawlkāwm dangdang hnenah a ṭuan. Himi zirnak cu a lak in tlawngta hnenah pek a si.

Biblethu ti mi Bible zirnakpawl hi a hmaisabik ah Southern Ireland ah kum 60 liam zo ah man a rak si. BES (Bible Educational Services) cun English in le ram dang ṭawngpawl in Biblethu zirnak cekfelnak hna a ṭuan vivo.

Biblethu zirnakpawl hi A4 cahnah ih nam ṭheu mi a si ih, zarh li ah vei khat suah a si ṭheu. Cutin a zirtu tlawngtapawl in an zirnak cahnah asilole cabu kha BES Bible tlawngah hmat cek dingih an kuatsal. Tu naite in Belfast khua ih um Every Home Crusade (Revival Movement) in A5 cahnah hmangin thla ruk hrang zirnak cu cabu in in namsak ih, cutin kawhhran le Bible tlawngpawl ih hman a remcang deuh ngaingai. Cuti vekih namsaktu kan neih hi Pathian kan thangt1at ngaingai a si.

BES Bible zirnak hi phun dang zet a si, inn ah siseh, kawhhran ah siseh, tlawng ah siseh zir thei dingih timlam mi an si. Zir ding mi a sangsang tein kum 20 tiang lai zir ding daih ih tuah mi a si. An kum izirin a level a level ih zir ding mi zirnak timlam an si. Tualleng tlawngta hrang- level 0, kum5-7 hrang-level 1, kum 8-10 hrang-level 2, kum 11-13 hrang-level 3, kum 14-16 hrang-level 4 tiih zirnak timlam an si. Level kip hrangah kum 3 sung zir ding a um (cahmai 4 nak zoh aw). Nauhak kum izirin timlam mi a si ko nân, nauhak hrekhat cu cathiam le thluak cak hleice khal an um thei ih, zamrang deuh khalin zir theitu an um ding. Biblethu ti mi zirnak hmanrua hin Nauhakpawl Pathian Kamsuakthu le Bible thuanthupawl zir thei nak can remcang a pe hai, cuih an zir mi thupawl cu an nun ih ṭul mi le hman thei mi, an nun lam tluan hruaitu ding an si.

Mirang ca ih zir a duhtupawl hrangah BES website – www.besweb.com asilole *International Secretary* hnenah ihsin zir ding mi zirnak ngah theih an si. Ṭawng dangdang khalin BES website an hngah theih a si.

BES Pehthlainnak ding Address

International le Northern Ireland Secretary (stockist of all lessons)

37a Belmore Street, Enniskillen, Northern Ireland BT74 6AA

Phone: 00 44 286 632 2462

UK Secretary

Mr Stephen Gillham

Email: stephen.gillham@besweb.com

Web address: www.besweb.com

Email address: info@besweb.com

Myanmar Address

Mr Timothy Sui Lian Mang, Biblical School of Theology, SweLynban, No 156,

Hlaingtharyar, Yangon, Myanmar

Phone: 095103980

Email: timothysuilianmang@gmail.com

ZIRHTUPAWL KAIHRUAITU

A thawk pekte ah cun Biblethu ti mi Bible zirnak hi Carek ih kuatawk i zirnak Carek Bible Tlawng (Postal Bible School) hrangih timlam le dñn mi Bible zirnak a si. Asinan Carek thatlonak ram, thimnakah India ram le Africa ram tivek ah hi Bilel zirnak hi an hmang nasa. Zirtupawl kaihruaitu ti mi cabu hi cu vek hmun le ram ih um, Biblethu ti mi Bible zirnak hmangtupawl hrangih suah mi a si. Himi Zirhtupawl Kaihruaitu ti mi cabu hi level 0, 1 le 2, kum 5-10 hrangih timlam mi a si. Level 0 zirnak cu zir theih dingih nam mi a si lo. BES website sungah free in nan download thei.

Zirnak Kaihruaitu hin Biblethu zirnak ih a hman mi Bible bung le câng thothe a hmang. Biblethu zirnakpawl le Zirnak Kaihruaitu cabu hi zarh tin hrangih timlam mi an si. April thla ih zir ding mi cu thosal thu thawng pehparaw mi thu an si ih, December thla ih zir ding mipawl cu Khrismas thu thawng an pehparaw.

Hmun hrekkhat ah A4 cahnah ih nam mi zarh tin hrang zirnak an hmangih, hmun hrekkhat ah cun A5 cahnah hmangih cabute ih suah mi zirnak 24 um mi an hmang. A tlangpithuin zirhtu in thlatin A4 cahnah ih nam mi zirnakpawl a pesuak ding ih, zarh tin tlawngtapawl in an zirnak Biblethu cu inn ah an tlun pei ih, zarh khat hnuah an run kengsal ding. Cutin thla khat hnuah Saya cun tlawngtapawlih zirnak cahnah a cek thluh ding ih, hmat a pe ding, cule tlawngtapawl hnenah a pekir thluh ding.

Cabute ih suah mi hmangtu cun zirnak pakhat a cem tinten cabu cu lakhawm salin a cek ding a si. Asinan hmun tampi ah cu mi cu thil harsa zet, thil cang thei lo tluk a si. Tlawng phun ih zirnak tuah asile, saya in a phi hman ngan thluh sehla, tlawngtapawl kha an cabu thlengawter thluh in, saya ih tuah mi a phi hman kha saya in a sim hai pei ih, an rualpi cabu sungih an phi mipawl kha a hman le hman lo an ceksal ding. Cutin hmat khal an pecih ding. Hmat pekdân le kawmdân khal thaten simfiang ding an si. Thla khat cem zawngih saya ih fakselnak ti mi te ah khan saya in tlawngta ziang tlukin a thatangso, a tumsuk ti mi ngannak ding tuah mi ah khan ngansak tengteng ding a si. Thla ruk zirnak a theh tikah certificate te khal peckih ding a si.

SAYA HRANG TIMLAMNAK

Sayapawl in anmai ruahnak le tha an ti mi hmanna um lo ko tuah kan tum lo. Kan tarläng ding mipawl tidan lawng hman ding tinak a si lo ih, hitin teh ti uhla a tha pei maw tiih ruahnak peknak fang men a si.

- **Thuanthu kha theifiang zet aw** – Saya cu Bible thuanthu le Biblethu zirnak thu kha theifiang zet seh. Biblethu zirnak thupawl kha saya cun siar cia in, thei thluh cia seh. Zirnak kip hrangih kaihruaitu kan pek mi kha saya cun thaten siar in ruat seh.
- **Zir ding mi kha theithiam cia thluh aw.** – Zirnak kip i tluntabik ah khin “Kan zir rero lai” ti mi theh ah zirnak ih tumtah mi pahnih nauhakpawl in saya ih zirhnak a theh le Biblethu zirnak an tuah theh tiki an theihfiang ding mi na hmu ding. A pakhatnak zirnak ih tumtah mi cu thuanthu theihnak a si ih, a pahnihnak cu an theih mi ruat dingin, nunpi le thungrulhnak tuah tengteng dingih thapek hi a si. Zirnak ih tumtah mi cu zir lai mi sungih a thupitnak thu hlawm fiang zetih phawrsuah le zirhtupawl in rem an ti asile an zirh rero laiah thlirkirsalnak phun in a hmanpi thei a si.
- **Theihter aw** – Zirnak hmuahhmuah kha, nauhakpawl an nun ih an tawnteh mi in kan thawk. Zir ding mi thuanthu kha nauhakpawl hnenah theihternak, tawthawhnak a phunphun kan hmang.
- **Zirh aw** – Thuanthu ihsin a Tawhfunng bik kan lasuak. Saya in thuanthu a sim tikah khai thu kha sim lohli lo dingin kan duh, cuhnakin khai thuanthuih tawhfunng kha an lunglut ding zawngin thuanthu a sim tikah sim sawn seh. Nauhakpawl in thuanthu ihsin zir ding mi an theih ding kha Saya in a tum pei ih, khaih thuanthu kha an nun ih an thungrulhdân ding khal an thilung ih ruat thiam dingin a tum pei. A remcandân in thuanthu kan sim tiki simfiang ding mi kha “*cafang tlu*” in kan ngan ding.
- **Zir aw** – Thuanthu kip ah Bible Câng pawimawh hril mi na hmu ding. Vaw hnih khat ah cun Bible Câng pawimawh pahnih khal na hmu ding, ziangah tile khai Bible Câng pawimawh kha nauhak in a zir dingih kan tumtah mi an zirngah thei nak dingah bawmtu a si. Nauhakpawl in Bible Câng pawimawh kha an zir kan beisei ih, Bible Câng pawimawh hril mi kha kan sim leuhleuh ding mi an si. An cinken ih, an *byheart* ding rori kha kan tumtah mi a si.
- **Biblethu zir ding mi le tuah ding mipawl kha tuah thluh aw** – Tlawng ah cun thusuhnak phi dingin an thiamnak dinhmun kha saya cun a thei ih, ziang tlukin thusuhnak kha phiter ding ti cu saya thu thu a si. Mi hrekkhat cun anmah te siar thei khal an um men thei. Nauhak dinhmun izirin saya in a tawlrel thiam a tul. Tlawng ah si loin hmun dangah himi Bible zirnak na hman asile, a zirtu nauhakpawl kha tha zetih ngaihsak le bawm an tul hleice ding. Nauhakpawl in thatho zetih zir dingin thapek a pawimawh zet.

- **Cing ringring aw** – A cang thei tawkin thusuhnawpawl kha an phi thei nak dingih simfiang kha a thupi tuk. Thuanthu kha simsal tla a ʔul ding.
- **Hmuh hai aw** – A hmun le ram ruangah maw, neih mi thil ih a daih taw lo ruangah simaw zuk zohter ding ngah ding a har khal a si men thei. Nauhakpawl in an zir mi thei thei dingih mit ih zoh le hmuh mi an neih hi a thupi tuk ti hngilh hlah aw. A cang thei tawkin zuk zoh ding na ngaihtuah pei. Zuk hin thuanthu kan sim mi theifiang thei dingih le thatho zetih ngai dingih nauhak a bawm thei zet. Internet hman thei nak ah cun himi website ah hin www.freebibleimages.org zuk tampi ngah theih a si.
- Zuk *copy* thei nak *photo copy* umnak ih na um asile, himi Bible zirnaw sungih zukpawl hi tumpi pi in na *copy* thei ding ih, nauhakpawl zirnaw ah bawmtu ʔha zet an si ding.

Bible Câng pawimawh zirh

- 1) Bible câng kha cahnah parah asilole calungpi parah na ngan thei, cule nauhakpawl kha na siarter hai pei ih, ʔawngfang malteten na phiat vivo pei, cutin cuh Bible câng pumpi an *byheart* tikah a zaten na phiat pei.
- 2) Bible Câng *byheart* ding mi kha *byheart* thei dân a phunphun ruat awla, *byheart* pi aw.

Cân Hmandân ding Ruahmannak

- **A sangsangten** – Nauhakpawl zirnaw hrang dân thlun ding cu zirnaw kipah kan telh ko, asinan saya in bangrep ringring si loin, phun dang deuhin thleng a duh khal a si thei.
 1. Thuhmaihruai le thuanthu simnak ah – minit 15 hrawng
 2. Bible Câng pawimawh zirnaw ah – minit 5-10 hrawng
 3. Nauhakpawl ih ngan ding le khat ko zuk suai ding pawl tuahnaw ah – minit 20 hrawng
 4. Thusuhnaw le a dang cangvaihawk ah – minit 5-10 hrawng.

Hi ʔawngkampawl hi cing ringring aw:

“I sim aw ka hniglh pang ding,
A hmuh awla ka cing ring ring ding,
I telter awla ka theithiam thei ding.”

Biblethu Zir Ding Mipawl (Bibletime Syllabus)

	LEVEL 0 (Tlawng ngaingai kai thei hrih lo pawl) LEVEL 1 (Kum 5-7) LEVEL 2 (Kum 8-10)	LEVEL 3 (Kum 11-13)	LEVEL 4 (Kum 14+)
THAWKNAK ZIRNAK SERIES	1. Thawktu Zirnak - Thuhmaihruai	1. Thawktu Zirnak - Thuhmaihruai	1. Thawktu Zirnak - Thuhmaihruai
SERIES A	1. Sersiamnak 2. Noah 3. Peter 4. Peter - Khraws 5. Abraham 6. Abraham 7. Peter 8. Peter 9. Jakob 10. Khristian Hmaisapawl 11. Paul 12. Khrimas Thuanthu	1. Sersiamnak 2. Noah 3. Peter 4. Peter - Khraws 5. Peter 6. Abraham 7. Jakob 8. Thlacamnak 9. Paul 10. Paul 11. Paul 12. Khrimas Thuanthu	1. Sersiamnak le Tluksiatnak 2. Atir lamih thansonak - Semtirnak 3. Peter 4. Peter - Khraws 5. Peter 6. Abraham 7. Jakob 8. Khristian Nun 9. Paul 10. Paul 11. Paul 12. Khrimas Thuanthu
SERIES B	1. Khrih Nun Lam tluan Hmaisa 2. Thilmakpawl 3. Bethany 4. Khraws 5. Tahthimnakpawl 6. Joseph 7. Joseph 8. Jesu Tawngtupawl 9. Mosi 10. Mosi 11. Mosi 12. Khrimas Thuanthu	1. Tahthimnakpawl 2. Thilmakpawl 3. Bethany 4. Khraws 5. Khristian Hmaisapawl 6. Joseph 7. Joseph 8. Thuthangtha Ngantupawl 9. Mosi 10. Mosi 11. Mosi 12. Khrimas Thuanthu	1. Tahthimnakpawl 2. Thilmakpawl 3. Bethany 4. Khraws 5. Khristian Hmaisapawl 6. Jakob le a Sungkua 7. Joseph 8. Apo 2: 42 – Hmai lamih lamzin 9. Mosi 10. Mosi 11. Dān 12. Khrimas Thuanthu
SERIES C	1. Daniel 2. Thilmakpawl 3. Jesu Tawngtupawl 4. Khrih Thihnak 5. Ruth le Samuel 6. David 7. David 8. Joshua 9. Elijah 10. Elisha 11. Jonah 12. Khrimas Thuanthu	1. Daniel 2. Jesu Tawngtupawl 3. Thilmakpawl 4. Khrih Thihnak 5. Ruth 6. Samuel 7. David 8. Joshua 9. Elijah 10. Elisha 11. Pathian hman mi mipapawl - Thukhamhlun 12. Khrimas Thuanthu	1. Daniel 2. Jesu ih Tawn mipawl 3. Bawipaih Huham 4. Khrih Thihnak 5. Ruth 6. Samuel 7. David 8. Joshua 9. Elijah 10. Elisha 11. Thukhamhlun Mi hrekhat 12. Khrimas Thuanthu

	B7 – LEVEL 3 Zirnak 1 – Josep-ih nun Thupi – Izip ram ah an feh	B7 – LEVEL 4 Zirnak 1 – Josep-ih nun Thupi – A no lai-ih hnicksaknak
	Bible Thu hlawm: <i>Semtirnak 41: 46-57 le 42: 1-38</i> Câng hril: <i>Mipum Siarnak 32: 23</i> Kan zir thei mi cu: 1. Sual loin kan um thei lo ih, cui kan sualnak in kan tlansuak thei lo. 2. Bawipa Jesu lawngih in pek thei mi ngaidamnak a manhlatzia kan theih hlanah kan sualzia theihawknak kan nei tengteng ding a si.	Bible Thu hlawm: <i>Sersiamnak 39: 1-23 le 40: 1-23</i> Câng hril: <i>Sersiamnak 39: 21</i> Kan zir thei mi cu: 1. Joseph cu sualfawhrnak sungah a tlu lo. 2. Bawipa cu thawnginn, sualfawhrnak le sál a tannak khalah Joseph hnenah a um. Joseph cun Bawipa a rinsan ih, a thu a thlun.
THEIHTER AW	Izip-mipawl cun an tuansuah cia mi rawl lawng rin ding an nei, cui lakah ram mipi in an tawn lai ding mi kum sarh sung a nasa zet mi pamnak a um ti nauhakpawl sim hai aw. Rawl in cem lam a pan vivo ruangah kha lai cân ah rawl lei ding a har nasa, asinan rei daih dingih retkhaw thei mi a si. Rawl leinakh rangah paisa khal tampi cem a tul. Hivek pamnak a thlen lai cân ah kiangkap rampawl hnakin Izip ram cu dinhmun tha ah an um, ziangah tile Nal Tiva ram tha an nei ruangah a si ti sim hai aw.	B6 nak ih thuanthu nauhakpawl mangter hai aw. Joseph cu Izip ram a thleng, asinan buainak in a kiansan hrih lo. A hmai lam cân ih a tawn ding mi buainakpawl pahltläng thei dingah Pathian in Joseph cu harsatnak cân sungih umter a siang. Hmai lam cân ih kan tawn lai ding mipawl ah kan dân hngeh thei nak dingah Pathian cun harsatnak sungih umter in siang theu a si ti nauhakpawl mangter aw.
ZIRH AW	Bible Thuanthu sim aw Relpi awla, simfiang hai aw: 1. Kum sarh sung mangtam a thleng thawk (<i>câng 54</i>) cule Joseph lawngin Faro-ih rawl retkhawlnak Inn ta hmangin an tul mi rawl a tawrelsak thei (<i>câng 55</i>). 2. Mangtam ruangah rawl lei dingin Joseph-ih ulepawl cu Izip ram ah vung feh ding an si. (<i>42: 1-3</i>) 3. Joseph cun a ulepawl an si ti a rak theithiam hai nân annih cun an theithiam lo. (<i>42: 7</i>) An zaten thawnginn sungah ni thum sung a khum hai. 4. Joseph tlunih an tuah mi ruangah a tlunah kan rak sual zo a si ti theihawknak an neihnak dingah Joseph cun a ulepawl tlunah hi vekin a tuahnak a si. (<i>42: 21</i>) Cuisin a ngaidam hai ding a si. 5. An thilung le sia le tha theihnak cun sual thil tha lo an tuah ti theihawknak an nei, cun zangfah a rak dil roero lai ih a nun anhaizia khal an thei. 6. Sual an tuah mi ruangah Joseph cu riahia in a tap (<i>câng 24</i>) cule an pa Jakob hnenih an tlun kirsal ding mi rawl cu a pe hai, asinan Simeon cu thawnginn sungah a ret, cule an nautebik Benjamin cu Izip ram ih run hrui dingin a dil hai. 7. An tawn mipawl hmuahhmuah an pa Jakob an sim tikah a riahia tuk, cule an hnenah Benjamin cu Izip ram ah nan hnenah a feh ve ding a si lo tia a ti hai. (<i>42: 38</i>) Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sung Appendix A zoh aw – Izip ram an feh.	Bible Thuanthu sim aw Relpi awla, simfiang hai aw: 1. Joseph cu Izip ah sál a si ko nân felten a nung, Potifar in a rinsan ih a mah a rian. (<i>39: 2</i>) 2. Faro-ih nupi cun Joseph cu thil sual tuah ah a puh ih, thawng ah a thlak. (<i>39: 11-20</i>) Sikhalsehla, Joseph cu minote a si ko nân, Pathian hmaiah dik zet in le amah rinsanin a nung vivo, a tuah mi pauhpauh ah Pathian in a hmuigilte, cule Joseph cu thawnginn kiltu pa in a rinsan ruangah a kut sungah a ret. (<i>39: 21-23</i>) 3. Thawngtla mi pahni cun mang an man veve, cule Joseph in an mang a hrilhfahsak hai. (<i>40: 8</i>) 4. Sabit suahtu lu bik ih mang Joseph in a lehsak mi cu thi loin thawnginn sung ih sin a luatnak ding thu a si, asinan sang rawhtu lu bik ih mang a hrilhfahsak cu amai thihnak ding thu a si ih, sang rawtu pa cu thahin a um. 5. Joseph in sabit suahtu pa cu amah mang ve hram dingah a sim, asinan Faro in a suah zalen hnuah Joseph cu a mang nawn lo. (<i>40: 14 & 23</i>) Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sung Appendix A zoh aw – A No lai hnicksaknak.
ZOHSAL AW	Ziangti vekin Câng pawimawh in zirlai mi a khaihawm ti reltlang uh.	Ziangti vekin Câng pawimawh in zirlai mi a khaihawm ti reltlang uh: 1. Faro inn sungih Joseph-ih nun le 2. Thawnginn sungih Joseph-ih nun.
NUNPI AW	Ziangti vekin hi zirnak in in challenge? 1. Sual ngaidamnak co dingah kan sualpawl ih sin Bawipa Jesu hnenih kirsal a thupitzia cingkinge dingin bawm hai aw. 2. 1 John 1: 9-nak theihfiang ding a thupi zet ‘Kan sualpawl kan phuan asile, kan sualpawl in ngaidam ding le kan dingfellownak hmuahhmuah in khawlhaisak dingah anih cu a rinum a si.’ 3. Rundamnak hrangih A, B, C hmingsin aw - A- cun na sualnak cohlang aw. B- cun khraws parah Bawipa Jesu a thi ti zum aw. C- cun Jesu cu na nunnak ah Bawi a si ti phuang aw.	Ziangti vekin hi zirnak in in challenge? 1. Sualfawhrnak sungih talluttu si loin, rak neh thei dingah ni tin ten Bawipa hnenah bawmna dīl ding kan si. 2. Bawipai hrang hmual nei zet thutheitu si thei nak thuthup cu mi in an nun ih an tawnte mi ah Rundamtu hnenih hrui an si thei nak ding hrang cân remcang hawl thiam ih Bawipa Jesu thawn kan pehtlaihawkter thiam hi a si. 3. Rak siar cia ding mi Efesa 6: 13-17 le James 1: 12-18 zoh aw, cule kan nun ah ziangtin sualfawhrnak kan neh thei ding ti mi ruat uh.

	B7 – LEVEL 3 Zirnak 2 – Josep-ih nun Thupi – Benjamin le thuthang sia!	B7 – LEVEL 4 Zirnak 2 – Josep-ih nun Thupi – Ram ukto ih cawisannak
	Bible Thu hlawm: <i>Semtirnak 42: 35-38; 43: 11-14, 24-31; 44: 1-33</i> Câng hril: <i>Efesa 4: 32</i> Kan zir thei mi cu: 1. Joseph sál ih an zuar thu ah Judah khal a tel ve, tu-ah a nau Benjamin runsuak dingah amah le amah siahlawh si dingin a peaw thlang. (44: 33) 2. Pathian cun thinslung hak mi thaw khalin hna a tuan thei ih, an nunnak thleng danglam ding tiangin a tuansuak thei a si.	Bible Thu hlawm: <i>Sersiamnak 41: 1-45</i> Câng hril: <i>Sersiamnak 41: 38</i> Kan zir thei mi cu: 1. Joseph cu dinhmun sang zetah ret lohli a si – sál dinhmun ihsin lzip ram Ukto dinhmun ah. Ziang vek dinhmun kan nun ah a thleng a si khalle kan nun timlamnak hrang Pathian khawkan mi a si ti a ruahzia thiam ding a si. 2. Faro in Joseph cu 'Pathian Thlarau umnak pa a si' tiah a theihthiam vekin (41: 38), a lo theitu zokhal in, na nundân le na cangvaihnak ah na sungah Pathian a um a si ti hmuh theih in um ve seh.
THEIHTER AW	Joseph-ih ulepawli hualnak cun zianti vekin anmai parah anhainak an thlengter ih, an pa Jakob thin an nater ti mi tlawngtapawl thawn reltlang uh. Sual cun kan innsang, rualpi, cuvek thothoin kan nun ah ziang vek ðhningzain mi a hngâwng thei ti simfiang aw.	Joseph cu Faro hmaih langaw dingah thawnginn sung ihsin an kosuak. Joseph hnenih pek mi, Pathian thilpek hleice theihtheinak thawn, Faro mang ih thilumdân/a sullam a simfiang mi cun Faro a lungkim tuk ih lzip ram pumpi 'thuneitu bik' ah a tuah. (Semtirnak 41: 41) Joseph cu harsatnak a tawn lai cân khalah Pathian ah a rinum (Zirnak 1), cule Pathian khal Joseph thlunah a rinum a si.
ZIRH AW	Bible Thuanthu sim aw Relpi awla, simfiang hai aw: 1. Mangtam a peh vivo lai, cule a ulepawl cu rawl lei dingin lzip ram ah an fehals. Jakob cun Benjamin lzip ram ih fehtir cu a lung a kim lo. (43: 11-13) Joseph lawngin an tul mi le anhainak a silkhaksak thei a si. 2. A ulepawl cu Joseph-ih inn ah zanriah ei dingin sawm an si, asinan Joseph a si ti an theithiam hrih lo. (43: 16) 3. Joseph in a cênna inn sungih a ulepawl zanriah a sawm hai cu a thin a nuam lo zet nân, a ulepawl cu an lung a awi nasa. Joseph in a nau hniang Benjamin a hmuh cun a tap. (43: 30) 4. Benjamin-ih rawl dip sungah a ngun no ret dingin a sim hai, cule Benjamin cu no firtu ah puhin, hrem dingah a tawrel. (44: 17) 5. Hi thil hmuahhmuah zoh tikah Joseph in a ulepawl cu ngaidamawktawnnak nei dingah a hniaksak hai nak a si. Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sung Appendix A zoh aw – Benjamin le thuthang sia!	Bible Thuanthu sim aw Relpi awla, simfiang hai aw: 1. lzip ram ih mitkherthiam le mifimpawl hmuahhmuah cun Faro mang ih tican a simfiang thei tu an um lo, asinan Pathian cun mangih tican Joseph hnenah a simfiang thluh. (41: 8) 2. Pathian in Joseph hnenih a pek mi theihtheinak cun mang le a sullam hrihfiah thei dingin a bawm, cule Joseph cun Pathian sunlawinak a pe. (41: 16) 3. Joseph cun Faro hnenah kum sarh mangtam a ra lai ding mi hrang ruahmannak felfai a pe, cumi cun mi tampi lzip ram sung um mi le amai sungkua nunnak a runsuak a si. (41: 33-36) 4. Joseph cu cawisan a si ih, lzip ram ukto a hung si thlang. Hmin thar pek a si ih, dinhmun sangpi ah sunlawih a si ti langternak ah lzip ram khawpi puithiam fanu cu a nupi dingah pek a si. (41: 41-45) Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sung Appendix A zoh aw – Ram ukto ih cawisannak.
ZOHSAL AW	Tlawngtapawl hnenih na simfiang ding mi: 1. Sual phuannak kan neih cinin kan nun cu zianghman lo, kawlawng ah a cang, cuisin ngaidamnak nun neitu 'Bawipa Jesu' le 'Joseph' nun ah in hrui thleng a si. 2. Thlawsuah zanriah cun ngaidam mipawl a hlir hai, cumi cu hmai lamah Van hmun ah a takih hman ding mi a si.	Thusuhnakpawl hi nauhakpawl sut hai aw (i) mangpawl, (ii) a hrihfiahnakpawl le (iii) Zirnak 2-nak ih thusuhnakpawl hmanten phi thei dingah Joseph cawisannak in a bawm hai ding.
NUNPI AW	Ziangti vekin hi zirnak in in challenge? 1. Sual in a suahter mi anhainak hi ruat aw. 2. Lungthleng ih, kan sualpawl kan phuan tikah Bawipa Jesu cun in ngaidam ih, in hngilhsak dingin a man cia ringring a si. 3. Bawipa Jesu in in ngaidam tikah, kan parih sualnak a tuahtupawl khal kan ngaidam ve thei a si. (Efesa 4: 32)	Ziangti vekin hi zirnak in in challenge? 1. Joseph cu Pathian thawn dik zetih an pehtlaihawkna ruangih thil ziangkim hrang man cia tei a um vekin, kannih khal in a nundân ihsin zohthim ding kan si. Khristian kan si ahcun kan nunnak ih Pathian duhnak le a kaihhruainak hawl dingah thlacamnak le Bible zirnak hi a thupi tuk mi a si. 2. Siar dingih pek cia mi siar awla, Sam hla phuahtu David le Apostol Paul in, Joseph thu, a thih hnu kum tampi liam zo mi ih an sim mi hawl awla, nangmai nun ah a takin hmang aw. Sam 105: 16-22 le Apostol 7: 9-10 3. Joseph cu fimkhurten a nung ih, Pathian a sunlawih ringring a si, cu vekin kannih khal in kan tuah ve ding a si. Mah le mah sunlawihawk hi Pathian-ih sunlawinak kan firsak tinak a si.

	B7 – LEVEL 3 Zirnak 3 – Josep-ih nun Thupi – Ngaidamnak le thulungawium!	B7 – LEVEL 4 Zirnak 3 – Josep-ih nun Thupi – Mi a ngaihsaknak mizia
	Bible Thu hlawm: Semtirnak 44: 18-34; 45: 1-14, 25-28 Câng hril: Semtirnak 45: 9 Kan zir thei mi cu: 1. Joseph cu a ulepawl in a nunnak lakhlohsak an duh cingin, an thil sual tuah mi cu an nun runsuahnak ah a cang, lzip ihsin a runsuak, Israel miphun hram thawhnak hrang timtuah mi lamzin ah Pathian in a hmang sawn riangri. 2. Joseph cu rak hnawn mi a si, asinan lehnhuah a ulepawl a ngaidam, Pathian dokalh zawngin kan nung cingin anih cun kan sualpawl in ngaidam ih, thlawsuah in pe a si.	Bible Thu hlawm: Semtirnak 42 and 43 Câng hril: Rom 14: 11-12 Kan zir thei mi cu: 1. Joseph-ih ulepawl cu ngaidam an si hlanah an sualnak hmusuakaw ta dingah hruai an si ding a si. 2. Joseph-ih ulepawl cu phahniamawin Joseph hmaiin an kün vekin kannih khal a ratsalnak ni ah Bawipa Jesu Khrih cu Bawi bik a si ti theihnak thawn kan zaten a hmaiah kün ve ding kan si.
THEIHTER AW	A ulepawl an thil ti sual mi an theingah ti Joseph in a hmuh tikah, an hnenah zo a si ti a phuangaw ih hitin a ti: “Keimah cu Joseph ka si.” (Semtirnak 45: 4) ‘Van lamih kan Joseph’ a si mi, Kan Bawipa Jesu Khrih in amah le amah ziangtin ‘Keimah cu’ tiah a relaw ti mi reltlang uh: John 6: 35 – Nunnak Sang ka si; John 8: 12 – Leitlun Tleu ka si; John 10: 7 – sangkâ; John 10: 11 – tuu khāl tha; John 11: 25 – thawhsalnak le nunnak; John 14: 6 – lamzin; John 15: 1 – sabit Hri.	Kum kul lai liamzo hnuah Joseph cun a ulepawl a hmusal, Midian mi sumdâwngpawl hnenah ngun tangka kul ah Joseph cu an rak zuar. Kum tampi a liam zo nân, a ulepawl cu a hlan vek thothoin an sual lai pei maw, asilole an rak thlengaw zo ding so ti mi ruatin Joseph cu a thinlung a buai. Cumi hmusuak dingah rei lo te sung cu hniksакnak sungah ret dingin thutluknak a tuah!
ZIRH AW	Bible Thuanthu sim aw Relpi awla, simfiang hai aw: 1. Ngun no cu Joseph-ih thuneihnak langtertu a si, cule cumi a firtu cu sualnak rapthlak tuahtu a si. A ulepawl cun Joseph hnenih an nau Benjamin an fehpi cu a thi pang ding ti an phang tuk, Judah cun Benjamin ih tuar ding mi hremnak hrangah a peaw. (44: 33) 2. A ulepawl cu hremnak tuar ding tlak an si ko nân ngaidam an si sawn riangri (45: 5). Joseph cun a nun lam tluanah ziangti vekin Pathian in tumtah mi hna a tuansuak ti a simfiang hai, an tuah mipawl cu thei lo vekin a umsan sawn. 3. A ulepawl cu Joseph a nung lai ti mi thu lungawiumza thawn Jakob hnenah an kirsal, cule a pa laksawng a kuat mi an hmuh. (45: 26-27) Câng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sung Appendix A zoh aw – Ngaidamnak le thu lungawium!	Bible Thuanthu sim aw Relpi awla, simfiang hai aw: 1. Joseph-ih ulepawl cu an ei ding mi rawl lei dingin lzip ram ah an fehpal. A ulepawl a ngaidam hlanah an thil ti sual mi theihawknak nei ta hai seh ti duh ah Joseph cun ‘hrohrang zetin a be hai. (42: 6-7) 2. Joseph cun an zaten ni thum sung rori thawnginn sungah a khum. An sia le tha theihnak sungri te cun kan rak mawh rori a si ti theihawknak an nei, curuangah an sualnak an cohlangaw a si. (42: 21) 3. Joseph cun a ulepawl cu hniksak hrih hman sehla, Semtirnak 42: 24 ih in sim vekin a duhdawt tuk hai ruangah a tap a si kha. Hi tawkah a ulepawl cun duhdawtnak co tlak an si lo nân, Joseph cun an hnenah duhdawtnak a langter mi zangfahnak diktak cu tuahnak in langter a si ti mi kan hmu thei. 4. A vei hnihnak Joseph hnen an va fehpal tum ah, an hnenah Benjamin an hruai tel ve, a ulepawl cu an kün ih upatnak pe-in an bawkkhup. (43: 26-28) Himi Semtirnak 37: 7-nak ah Joseph-ih mang a taktak ih thleng mi kan hmu thei a si. Himi cun Pathian-ih kamsuakthu cu thawtkhum mi le a dik mi a si ti in hmuh a si! 5. Joseph in a nau hniang Benjamin a hmuh tikah a lainat tuk ih, tahnak ding zamrang zetin a hawl lohli, cule pindan sungah a tap. (43: 30) Câng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sung Appendix A zoh aw – Mi a ngaihsaknak mizia.
ZOHSAL AW	Hi zirnak hi Câng pawimawh thawn pehparter aw: “Pathian in lzip ram pumpi bawi ah i rak tuah!” cule “ka hnenah rung suk aw, muangcang hlah.” Hi thu hlawn pahnih ah Jakob a lungawi tuk ruangih a tuahkirsal mi tlawngtapawl thawn reltlang uh. (45: 9)	Câng pawimawh hi zirh awla, hi zirnak tlangkawmnak ah tlawngtapawl thawn reltlang uh.
NUNPI AW	Ziangti vekin hi zirnak in in challenge? 1. Bawipa Jesu theih a thupitnak cu a nung ih Van ah a um, cule Joseph cu lzip ram ah uktu bawi a si vekin, anih cu bawi hmuahmuah tluanah Bawi a si. 2. Bawipa Jesu theih a thupitnak cu amah kan rinsan tikah kan sualpawl in ngaidam lawng si loin, thlawsuah tam zet in pe a si. 3. Bawipa Jesu in dungthluntupawl hnenah thlacam a zirh vekin, mi dang va ngaidam ding kan sinak takih thlun a tulnak Pathian in zohthim ding in pek mi tlawngtapawl thawn reltlang uh. (Mathai 6: 12)	Ziangti vekin hi zirnak in in challenge? 1. Rom 5: 21 nak ah Bawipa Jesu ih pek mi zangfahnak thu ziang kan zir mi um? 2. A parah dik lo zetih nung a ulepawl hnenah duhdawtnak a langter vekin kanmah vek misual hrangah Kalvary tlang parah thiin, Bawipa Jesu in a duhdawtnak nasa zet a langter ti mi kan hmu thei a si. Luke 23: 34 siar awla, ruat hnik. 3. Semtirnak 37: 7-8 ih Joseph-ih mang cu Semtirnak 43: 26 ah a takin a cangsuak a si. Rak siar cia ding mi, Sam 51 le Filipi 2: 9-11 siar awla, himi na siarnak in ‘Jesu cu Bawi a si’ ti theih le sualpawan a tulnak thupitter ding mi himi na siarnak in ruat aw.’

	B7 – LEVEL 3 Zirnak 4 – Josep-ih nun Thupi – Izip ah an sungkua ten	B7 – LEVEL 4 Zirnak 4 – Josep-ih nun Thupi – A ngaidam thluh hai
	Bible Thu hlawm: <i>Semtirnak 46: 1-7; 26-34</i> Câng hril: <i>Semtirnak 50: 20</i> Kan zir thei mi cu: 1. Joseph-ih rinumnak cun an sungkua zatei himnak a si tlunah, thlawsuah an co phahnak ah a cang. 2. Joseph cu Bawipai thutiam, 1 Samuel 2: 30 nak ih a sim mi “i cawisangtu cu ka cawisang ding” timi a takih zohthim mi ah a cang.	Bible Thu hlawm: <i>Semtirnak 44 le 45</i> Câng hril: <i>Rom 5: 10</i> Kan zir thei mi cu: 1. Joseph-ih ulepawl cun an mawhsualnak an phuan tikah Joseph thawi an karlak pawlkawmawknak a hung thasal, cule kan sualpawl phuang ih, thinlung takih kan kirsal ve asile Bawipa Jesu thawn sullam nei zet le a taktakih pawlkawmnak sungah kan lut thei ding. 2. Joseph in a ulepawlih tulsam mi hnianghnar zetin Izip ram ih a pek vekin, Bawipa Jesu neitupawl khal hnianghnar zetin a pe hai ih, kumkhua aipuannak le lungawinak umnak hmun Vanram ah a hruai hai ding.
THEIHTER AW	Joseph nun ah ziangti vekin Pathian in khawkhan mi a nei ti nauhakpawl simfiang hai aw. A sungkuapawl cu Izip ram Goshen hmun ih cêng dingin Kanan ram in an ra. Sikhalsehla Kanaan ram cu Abraham le a cithlahpawl hnenih a tiamkam mi a si, asinan Pathian cun Joseph-ih sungkuapawl cu sual thatlonak sungah Kanaan-mipawl in an hruaipenlonak dingah cui miphunpawl a timlamnak thu an hnenah a rak sim cia zo. Sikhalsehla, Pathian i a tiamkam cia vekin Israel mipawl cu Kanaan ram ah a hruai kirsal hai.	Zirnak hmaisa ah khan Joseph in fimthiam zetin a ulepawl an sualpawl phuang dingih a cangvaihnak kan zir zo. Tu-ah Joseph hrangah a ulepawl ngaidam dingah lamzin a awngaw zo, a siat zo mi an pawlkawmawknak tungdingsal ding le a ulepawl thawn a takih remawksalnak nei dingah a si.
ZIRH AW	Bible Thuanthu sim aw Relpi awla, simfiang hai aw: 1. Pathian in Jakob cu a inn suahsan ih, hmun hla zet ram ih va feh dingah le cutawk hmun ih a kilkhawi ding thu a hnenah a sim. (46: 2-3) 2. An innsang zaten an neih mi hmuahhmuah thawn Izip ram an suahsan. (46: 5-7) 3. Jakob-ih innsang cu Goshen hmun an thleng, cule Joseph le a pa Jakob cu an kuahaw ih, an lungawinak mitthli a luang. (46: 29) 4. Jakob a thih hnuah, a ulepawl cun an nau Joseph in an parih phuba a laksal ding an phang, asinan a ngaidam hai tlunah, an sungkua zaten amah in a zoh thluh hai cu an mangbang nasa. (50: 15-21) Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sung Appendix A zoh aw – Izp ah an sungkuaten.	Thuanthu sim aw Relpi awla, simfiang hai aw: 1. A ulepawl cu Kanaan ih an pa, Jakob hnenih an kirsal hlanah Judah cu Benjamin aiawhih sál si dingah Izip ih rung tang dingin a peaw. Himi cu sál si dingih Joseph an zuar ni ihsin thlengaw danglam mi a si, cumi cun a pa Jakob cu kum rei zet thinlung kekkuaiin a umter a si. (44: 33) 2. Joseph cu a ulepawl hnenah a phuangaw ih, an nunnak ding hrang ziangkim tlunih thuneitu Pathian khawkhannak a si thu a sim hai. (45: 4-5) 3. Joseph cun Benjamin hngawngah a kuah ih a tap, cule a ulepawl hmuahhmuah khal a hnam thluh hai. (45: 14) 4. Faro cun Joseph-ih ulepawl hnenah an pa bik le sungkuapawl ih tul mi tuahsak dingin, Izip ram ih rak hruai dingin a sim hai. (45: 17-19) 5. A ulepawl cun Jakob hnenah Joseph a nung lai tiah an sim, cun Jakob cun a to ding mi ranglêng le thil a kuat mi a hmuh tikah, Joseph cu a nung lai a si ti a theithiam, cutin amah a tawngsal leh ding a si! (45: 25-28) Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sung Appendix A zoh aw – A ngaidam thluh hai.
ZOHSAL AW	Zirnak 4-nak hi fimkhurten tlawngtapawl thusut hai aw, cutin thusuhnakpawl cu an thinlung taktei phi dingah thusuhnak in a bawm hai ding.	Joseph thu ih ‘Thuthangtha’ le ‘Bawipa Jesu-ih thu ih Thuthangtha hi ziangvek a si ti tlawngtapawl thinlung lut dingin sawm hai aw: - Joseph a nun vekin, tui ni ah Jesu khal a nung ve a si. - Joseph cu Izip ram ah ram uktu a si vekin, Bawipa Jesu cu siangpahrang hmuahhmuah tlunih Siangpahrang, baw hmuahhmuah tlunih Bawi a si. - Joseph in a sungkuapawl tul mi a pek, Bawipa Jesu khal in rundamnak hrang kan tul mi ziangtinkim in tuahsak ve a si. - Joseph in a sungkuapawl Izip ram ih a hruai vekin, Bawipa Jesu cun rundamnak co dingah le kumkhua in hmun ih cêng dingin in duh a si.
NUNPI AW	Ziangti vekin hi zirnak in in challenge? 1. Joseph cu a hmai lamih a tawn lai ding mi ah a thin a bang ve zet ding, kan hmai lamah ziang a cang ding ti kan thei cia ringring lo. Asinan Khristian kan si vekin kan theihfiang mi cu kan rinumnak parah Pathian in in cawisang leh ding ti mi hi a si. 2. Tuisun ih, Leitlun cuzah thuneihnak le khawkhannak tha lo pawl khal hi Pathian thu hnuaiih um thluh mi an si ih, amai duhdân vekin a her danglam thei thluh a si.	Ziangti vekin hi zirnak in in challenge? 1. Kan sual phuan ding le lungthleng ding duhnak taktak kan nei ding a si, cule kan hrangih thi Bawipa Jesu kan rinsan ding a si. Cuisin ngaidamnak cu nun ah a takih theifiangin, mi dang ngaidam tumnak kan nei taktak fawn ding a si. 2. Pathian cu Joseph hnenah a um, hi thu cu siar dingih pek cia mi (Apo 7: 12-15) sungah Stefen martar ih a thih hlan, kum tampi liam zo mi ah Thukham Thar sungah theihter a si zo.

	B8 – LEVEL 3 Zirnak 1 – Thuthangtha ngantupawl Thupi – Mathai	B8 – LEVEL 4 Zirnak 1 – An nun lamtluanah Thupi – Khristianpawl cu hmunkhat teah
	Bible Thu hlawm: <i>Mathai 9: 9-13; le 27: 37-42</i> Câng hril: <i>Mathai 16: 16</i> Kan zir thei mi cu: 1. Jesu in Mathai a kawh tikah, Jew mi pakhat, siahhkhawngtu pa cun hmakhatteah a cohlang ih Jesu a thlunchi. 2. Sikhalsehla, Jew mi tamsawn cun Jesu an cohlang duh lo, cumi in a suaipi mi cu khraws ah khenbetin a um.	Bible Thu hlawm: <i>Apostol 2: 41-44, Apostol 4: 32-35</i> Câng hril: <i>Apostol 2: 42</i> Kan zir thei mi cu: 1. Milai cu Khristian a hung si tikah zumnak ih thannak ding hawlin, pawlkawmaw dingah hmunkhat teih cân hmantlang a thupitza an theifiang a si. 2. A remcang a si ahcun pakhat le pakhat bawmawktawn thei dân ding an hawl ih, an neih mi thilripawl khal an hlawmkhawmaw theu.
THEIHTER AW	Mathai cu siahhkhawngtu bawi a si ti tlawngtapawl hnenah simfiang aw. Annihpawl cu Jew-mipawl in an hua, zianghtile hrawkhawlnak thawn cuzah in a fial mi hnakh tamin an khawn theu ruangah le kha lai cân ih anmah ukto Rom Cuzah hnañuantu an si ruangah a si.	Peter cu Jesu dungtluntupawl lakih pakhat a si ih, Jesu khenbeh a si lai ih rak phatsantu a si ti tlawngtapawl simfiang hai aw. Cuti si cingin a sualnak a ngaidam ih, mipi hnenah raltha zetin Jesu thu a sim phah rero. Ngaidam thei lo ding khawpin thil sual a tuah lo, tu-ah anih cu Pathian in nasa zeti a hman mi a hung si.
ZIRH AW	Bible Thuanthu sim aw Relpi awla, simfiang hai aw: 1. Mathai cun Rundamtui--ih kawhnak cu hmakhatteah a cohlang lohli. 2. Mathai cun a hnañuan lai mi tlansanin, Bawipa Jesu dungthlun a zir thawk. Anih cu dungtluntupawl lakih pakhat a si. (9: 9) 3. Anih cu Thuthangtha Mathai cabu ngan dingih duhsaknak cotu a si, a cabu ah Jew-pawl in Messiah tiah an kawh mi, an Siangpahrang si dingih an hngah rero mi Jesu langtertu a si. 4. Bawipa Jesu a ratsalnak ding thuhla Mathai in tawite a tarlang, cule Mathai cun Bawipa Jesu lei parih a rat tikh thlengkim ding mi Thukham Hlun profetpawl in an rak phuan mi thuhla a simfiang. (Mathai 1 & 2) 5. Mathai cun Jesu cithlah sawng thu, rawng a bawlnak ngankhum a si ih, an hremnak, a thihnak, phum a sinak le a thawhsalnak thu in a netter – cumi cu kan Rundamnak hrampi a si ih, 'Thuthangtha' ti ih kawh a sinak a si. Cabute sungih ngan ding thu hlawm pahnihi hi hminsin aw. "Cân rei zet Siangpahrang ratnak ding thutiam," le "Siangpahrang hnawn le khenbehin um mi" Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sung Appendix A zoh aw – Mathai	Bible Thuanthu sim aw Relpi awla, simfiang hai aw: 1. Jesu dungthluntu pakhat a si mi Peter cun a nung mi Khrih rinsan ih, an sualpawl ihsin kirsal dingah mi tampi hnenah 'Thuthangtha' a sim. Mi tampi rundam si dingah Jesu Khrih an zum ih, Khristian ih letaw tampi an um– mi 3,000 tluk cu Kawhhran mipum rak um cia mi 120 hnenah an ra bet! <i>Zamrang zetin mi tampi cu Khristian an hung si cu ziang tluk mangbangza so a si ti mi tlawngtapawl thawn ruat hnik uh. (2: 38-41)</i> 2. Khristian thar a si mipawl cu hmunkhatah hna tuantlang dingin an um thawk– hitin Kawhhran cu hmuh theihin a lang vivo. Khristian dānpawl thawn hmunkhattah an umkhawm, apostolpawl zirhnak an ngai, pawlkawmawknak ah hmunkhatah thlacam tlangin, Jesu-ih thihnak mang ringring dingah sang phelin an um. An lakah telin, Pathian Kamsuakthu zirin, thlacam le zumnak ih an than thei nak ding hrang bawm an tulnak thu tlawngtapawl simfiang aw. (Apo 2: 42) 3. Khristian hmuahhmuah in hmunkhatah an tawngaw ih, an neih mi an jawmaw hai. An neih mi ziangkim an jawmaw tinak si loin, innsang khat vekin, a tulsam mipawl hnenah an neih mi an jawm ve tinak a si. Hi vekih pakhat le pakhat Khrih sungah neih mi jawmaw le duhdawtawtlang ti mi sullam le Khrih sungah u le nau si a thupitza an theifiang a si. (Apostol 2: 42-47) Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sung Appendix A zoh – Khristianpawl cu hmunkhat teah.
ZOHSAL AW	Thusuhnakpawl sut phahin tlawngtapawl zirnak zohpisal aw, cumi cun zirnak 1 ih thusuhnak hrang a phi lo bawmtu ding a si.	Tuisun ih Khristian hmunkhat ih tuantlangnak ah ziangti vekin zumnak ah an pitling ih, an thang ti mi a takih hmanna ngansuak aw.
NUNPI AW	Ziangti vekin hi zirnak in in challenge? 1. Bawipa Jesu hnenah kan nunnak hlanawin, hmakhatteih rak cohlan ding thu ruat uh. 2. Jesu cu Jew-mipawl hrang lawngih Siangpahrang a si lo ih, siangpahrang hmuahhmuah tlunih Siangpahrang, bawi hmuahhmuah tlunih Bawi a si ih, amah rian ding le rinsan dingah a tlak a si ti sunlawih thiam dingah. 3. Bawipa Jesu cun amah le amah a rundamaw a tul lo ih, kanmah vek misualpawl rundam dingah khraws parah a thih a tul a si ti thei dingah a si. Hi thu hi tlawngtapawl hnenah rel sawng aw: 'Amah le amah a rundamaw thei lo, khraws parih a thih tengteng a tul, asilole ngilneihnak cun misualpawl siatralter dingah a ra nai lo; A si, misualpawl sual ihsin a luatna dingah, Pathian Fapa Khrih cu a thi tengteng ding a si.' – Albert Midlane	Ziangti vekin hi zirnak in in challenge? 1. Khristian kan si ahcun Khristianpi mi dang pawl thawn hmunkhatah cân hmantlangin, pakhat le pakhat hnenah zirawtawnin, pawlkawmawknak kan neitlang taktak maw? Thlacamnak le Pathian Kamsuakthu zirtlangnak kan nei lo a si ahcun thlarau lamah kan thang dah lo ding. 2. Khrih ah nau kan si vekin, a cang thei a si ahcun pakhat le pakhat bawmaw hi kan mawphurh a si ti kan ruat ringring ding a si. Kawhhran member-pawl in hmunkhatih hna an tuantlang tikah Pathian-ih innsang in a thabik in hna a tuan thei a si. 3. Jesu rian dingah ti thel mi neiin na theiaw maw? Peter cun Jesu a phatsan a si, cuti cing cun mi thawng tampi hnenah Thuthangtha thlent u hman rero mi a si lai – Hi vekin nang khal Pathian in a lo hman thei ve a si!

	B8 – LEVEL 3 Zirnak 2 – Thuthangtha ngantupawl Thupi – Mark	B8 – LEVEL 4 Zirnak 2 – An nun lam tluanah Thupi – Khristian baptisma
	Bible Thu hlawm: <i>Apostol 12: 5-12; Mark 1: 29-42</i> Cang hril: <i>Mark 10: 45</i> Kan zir thei mi cu: 1. Mark-ih thuthangtha cun Jesu cu 'Siahhlawh Famkim' a si thu a langter, cule a jawng mi hnakin a tuah mi a ngan tamsawn. 2. Mark cun Bawipa Jesu in amah riantu ding mi dang ziangtin a hril ti mi a langter.	Bible Thu hlawm: <i>Mathai 28: 16-20, Apostol 8: 34-39, 18: 8</i> Cang hril: <i>Apostol 2: 41</i> Kan zir thei mi cu: 1. Baptisma hi Khrih thulunak ih tuah mi a si. 2. Bible sungih mi tampi Khristian ah an thlengaw, cule an zumnak cohlannak ah baptisma an co. 3. Baptisma cu mipi hmai ih Khrih dungthluntu langternak a si.
THEIHTER AW	Mark-ih Thuthangtha ahcun Bawipa Jesu cu ren mi siloin, mi rian dingin le mi tampi tlen dingah a nunnak pe dingin Van ihsin lei tluanah a ra ti mi thuanthu kan nei a si. (Cang pawimawh vekin) Bawipa Jesu cu leitlun a um laiah Pathian-ih duhnak thlunin a nung, cule a cak zet mi a hnatuan cu Pathian-ih Thlarau Thianghlim huham thawi tuah mi a si. Lunglutza hminsin ding um mi cu a ngantu, Mark cun a thawknak lam a titha zet nân, rei lo te sung rawngbawlnak a cawlsan lawk, asinan a cemnetnak lamah Bawipai rawngbawlnak ih mithahnem ah tundin a si (<i>2 Timothy 4: 11</i>).	Baptisma an co dah zo maw, co hril lo ti tlawngtapawl sut hai aw. Ziang vek a si ti a co zo pawl ih an tawnteh mi sut hai aw? A hmuhsak mi teh ziang a si tiah an ruat?
ZIRH AW	Bible Thuanthu sim aw Relpi awla, simfiang hai aw: 1. Mark cu Jerusalem ih um Khristianpawl ih an hman mi innsang pakhat a si, James rak thattu Herod kut sungin Peter a luat thei nak ding hrang thla an camnak hmun a si. (<i>Apostol 12: 5-12</i>) 2. Mark cun Thuthangtha karhzainak hrang Pathian ren duhtu a si, anih cu Paul le a hnatuanpipawl a tum khatnak missionary khaulawlannak ah a tel ve, asinan a tansan hai ih, Jerusalem ah a kirsal. (<i>Apostol 12: 25, & 13: 13</i>) 3. Paul cun Mark ih a dungtawlsannak cu rawngbawl dingah a tling lo a si tiah a ruahsak ih, a tum hnihnak missionary khaulawlannak ah a fehter siang lo, (<i>Apostol 15: 37-39</i>). Sikhalsehla, Mark cu a netnakah tundinsal a si ih, Paul ih rinsan mi ah a cang, cule Bawipa Jesu a rianpeh vivo. 4. Mark cun a rawngbawlnak hlawhsam cing khalin a ropi zet mi Mark-ih 'Thuthangtha', Bawipa Jesu lei tlun a um laihi a tuah mi, a hleicein thilmak a tuah mipawl a ngan. Simon-ih pizawn damternak, phar nat a thiangerak le dungthluntupawl Galilee Tipi tlunih lawng sung an to lai can ih ti suar a daihternak thupawl a ngan tel. 5. Thupi pahnihi hi cabu sung ngan ding mi ah thupitter hleice aw. "Mark cun Jesu cu Siahhlawh Famkim a si thu a rei". "Bawipa Jesu cun amah rian dingah mi dang a hman ti Mark cun a langter." Cang pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sung Appendix A zoh aw – Mark	Bible Thuanthu sim aw Relpi awla, simfiang hai aw: 1. Jesu in leitlun a suahsan hlanah, dungthluntupawl hnenah Thupek Ropi a pe hai. Cui thu an hnenih a sim mi cu mipun hmuahhmuah hnenah va fehin, mipun hmuahhmuah kha dungthluntu ah va tuah ding le Pa, Fapa le Thlarau Thianghlim hmin in baptisma ve pe dingin a sim hai. Jesu cun hi thil an tuah tikah an hnenih um ringring dingah thu a tiam hai. Himi tuahsuak dingah an hnenah thuneihnak khal a pe hai a si. (<i>Mathai 28: 18-20</i>) 2. Jesu in a dungthluntupawl kha baptisma mi va pe dingin a sim hai. Baptisma cun zumtu cu Jesu Khrih rualah sual lamah thi-in, a thawhsalnak ah nun thar in in pumkhat. Khristian a hung si tikah nun thar neitu a si. An nun hlun tlananin, nun thar ih nun a thawknak san cu Jesu in khraws parah a nunnak a pek ruangah a si. Baptisma cun mikip hnenah langhnganin mipi hmalihi tuah mi a hmuhsak. (<i>Rom 6: 3-7</i>) 3. Baptisma cun Khrih hnenih nun hlanawknak, Pathian duhdan vekih nun duhnak a hmuhsak ih, Pathian-ih mipun hleice an sinak a nemhngat. <i>Apostol 8</i> sungih thuanthu ah Filipp in Ethiopia tilper pa pakhat hnenah Jesu Khrih Thuthangtha a sim. Cule Khristian ih a hung thlengaw tikah baptisma a cocih. 4. <i>Apostol 18: 8</i>-nak ah Apostol Paul in mi tampi Jesu Khrih hnenah a hruai. Zumnak phuansuahnak a um hnuaah baptisma conak in a thlunchi theu a si. Cang pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sung Appendix A zoh aw – Khristian Baptisma.
ZOHSAL AW	A hnuai lamih thusuhnakpawl hmangin zirlai zohkirsal aw: 1. Ziangti vekin Mark in Thuthangtha pumhuap ah Bawipa Jesu a langter? 2. Mark hi ziang vek innsang ihsi ra mi a si? Ziangruangah? 3. Mark in a nun ih tuah a duh bik mi ziang a si? 4. A tum khat missionary khaulawlawn tum ah Mark in Paul cu thinnuam loin a tuah cing, rawngbawlnak sunzawmsal dingin tundinsal a si ti ziangtin kan thei thei? 5. Jesu leitlun a um laihi thilmak a tuah mipawl ngan aw.	Thupek Ropi zir tlang uh si (<i>Mathai 28: 16-20</i>) 1. Ziangtin Jesu in hi thupek a pek thei si pei? (<i>cang 18</i>) 2. Dungthluntupawl hnenih a zirh mi thu li kha ziangpawl saw? 3. Dungthluntu ti mi sullam ziang a si? Himi cu hmai lamih umpeh vivo lai ding a si maw? 4. Thupek an thlun asile Jesu in an hnenah ziang thu a tiam hai?
NUNPI AW	Ziangti vekin hi zirnak in in challenge? 1. Bawipa Jesu rawngbawlnak ih kan tuah thei ve mi rawngbawlnakpawl ngan aw. 2. A liam zo mi ah hlawhsam hman ningna a rawngbawlnak ih kekar vivo dingah. 3. Kan nun ih harsatnak le buainak ti suar karlakih Jesu rinsan dingah.	Ziangti vekin hi zirnak in in challenge? 1. Jesu hnenah na nunnak na pe maw, nun thar thawn a hrangih nung dingin teh na hawl maw? 2. A Kamsuakthu thlunin baptisma na co zo maw? Na co hril lo asile, ziangruangah na co mai lo?

	B8 – LEVEL 3 Zirnak 3 – Thuthangtha ngantupawl Thupi – Luke	B8 – LEVEL 4 Zirnak 3 – An nun lam tluanah Thupi – Bawipa Zanriah
	Bible Thu hlawm: <i>Luke 1: 1-4; Luke 4: 1-13</i> Cang hril: <i>Luke 19: 10</i> Kan zir thei mi cu: 1. Luke cun Bawipa Jesu cu Pathian Fapa a si ti a rel uar vekin, 'Milai Famkim' a sinak khal a si thothe. 2. Sualfawrhak cun Bawipa Jesu cu sual thei a si lo ti a langter, ziangruanghale anih cu a thianghlim, sual nei lo minung a si, curuangah misual Rundamtu dingah a tling a si.	Bible Thu hlawm: <i>Mark 14: 22-25, 1 Korin 11: 23-31</i> Cang hril: <i>1 Korin 11: 26</i> Kan zir thei mi cu: 1. Jesu in a hleicein amah cing ringring dinginj thu in cah. 2. Himi cin ringring nak hi thupi zetah kan ret ding a si.
THEIHTER AW	Luke le Apostol hi Theofilas hnenih ngan mi a si cingin, a thuhla theih ding a mal nasa. 'Maw, zahum zet' ti mi cun ram ukta baw a si ti a khihhmuh (<i>Luke 1: 3</i>). A hmin sullam cu 'Pathian rualpi' tinak a. Anih hi Khristian si si in, Rom Cuzah uknak hnuaiah hnatan nei mi a si a zumum. Luke cun ka ih sim sawng mi thu tawpter dingah Jesu-ih nun ngankhum mi thu a pesuak a si.	Mi pakhat rei lem lo an hnenih um dah tu an cin ringring mi ruat dingah tlawngtapawl sut hai aw, a cang thei asile zuk thawn asilole a hleice deuh ih cinkennak dang in. Jesu cun a dungthluntupawl cu an hnenah rei a um lo ding ruangah a hleiceih amah cing ringring dingin a tan ta.
ZIRH AW	Bible Thuanthu sim aw Relpi awla, simfiang hai aw: 1. Luke cu Khristian tha zet, si lam thiam mi khal a si ih, Apostol Paul thawn rualpi tha zet an si. (<i>Kol 4: 14</i>) 2. Luke cun 'Rundamtu, Bawipa Khrih' a si mi Jesu-ih suahnak lam a khihhmuh (<i>Luke 2: 11</i>). Anih cu Pathian, tisa ih rung cang mi a si. 3. Luke cun a lamzin kipih thang, a famkim zet mi a si ti a ngan (<i>Luke 2: 52</i>). Fimnak lamih Bawipai thannak cun khawruahnak lamih a thannak a sim duh, pumrua lamih a thannak cun taksa lamih a thannak a rel duh, 'Pathian duhsaknak' lamah a thang ti mi cun thlarau lamih a thannak a rel duh. 4. Jesu sualfawrh a sinak thu tawten a rellang (<i>Luke 4: 1-13</i>), cule himi cun sualfawrhak sungih tlu dah lo, mifamkim a sinak a langter. 5. <i>Luke 23</i> sungah Bawipai thinnak, Pilat in a fakselnak duhum zet, mifir pa pakhat le ralbawi pai thuhla a um, hipawl hmuahhmuah cun Bawipa Jesu-ih famkimnak an langter. (<i>Luke 23: 14, 41 le 47</i>) <i>Jesu in sual a nei lo ti mi hi a thupi tuk, cuti si lo sehla cu kan sualpawl hrang a thi lo ding ti simfiang hai aw. Cui a Famkim mi pa cu tuini ah Van ah a um ih, misualpawl rundam duhtu a si. Amah cu Rundamtu le Bawipa ih a nei zo tupawl ngaisaknak thawn zoh ringring tu a si.</i> Cang pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI Appendix A zoh aw – Luke	Bible Thuanthu sim aw Relpi awla, simfiang hai aw: 1. Zan netabikah dungthluntupawl le Jesu cu hmunkhat ah an umtlang, Jesu cun sang le sabi ti cu a la ih an hrangah lungawi thu sim thu a sim. Jesu cun an hnenah hi mi sang cu a taksa, an hrangih a khekkui mi a si, cun hi sabit ti cu a thisen an hrangih a thlet mi a si tiah a sim hai. Cutin amah cin ringring nak dingah sang le sabit ti cu ei dingin a sim hai. (<i>Mark 14: 22-25</i>) 2. A dungthluntupawl cun a sullam diktak an thei lo, ziang a thlang cing ding ti Jesu lawngin a thei. Asinan dungthluntupawl cun tuah dingih a sim mi cu an run cing ringring ding a si. 3. A hleicein Khristianpawl hrangah sang le sabit ti hman a si tinten Bawipa Jesu-ih thinnak le a tuarnak ruatin, cinken ringring ding mi a si. (<i>1 Korin 11: 23-26</i>) 4. Lanta puai cu lzip sal tannak ihsin Israel-mipawl an zalenak hngillonak hrang puai an tuah theu vekin, sang le sabit ti hmannak cu Jesu Khrih thawngin sual sal sungin kan zalenak puai hngilhonak a si. 5. Bawipa Jesu cun a ratsal hlan tiang sang le sabit ti hman dingin dungthluntupawl hnenah a sim. Himi cu Jesu-ih thinnak le nunnak thu cinkennak men si loin, Pathian uknak thutiam mankirsalnak a si! 6. Jesu, amah rori cu Lanta Puai Tufano diktak, minungpawl sualnak ruangih a nunnak a hlantu a si vekin, Jesu cun himi Lanta puai cu a dungthluntupawl thawn hmantlang a duh. Himi cun a dungthluntupawl hrangih a hlau mi a taksa le thisen a hmuhsak. (<i>1 Korin 5: 7</i>) Cang pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sung Appendix A zoh aw – Bawipa Zanriah.
ZOHSAL AW	A hnua lamih thusuhnakpawl hmangin zirlai zohkirsal aw: 1. Luke Thuthangtha ih thuken ziang a si? 2. Luke-ih hnatan mi ziang a si? 3. Ziangruangah Theofilas hnenah a ngan si pei? 4. 'Khrih Bawipa cu Rundamtu' a si tiah a suahnak ih hmin pek mi in ziang a langter duh? 5. Ziangruangah Luke in sualfawrh a tawnnak thu a ngan si pei? 6. Hipawl in 'Milai Famkim' a sinak an sim mi <i>Luke 23: 14, 41 le 47</i> sung ta reltlang uh.	<i>1 Korin 11: 27-31</i> sungah cin ringring dingih hmuhsaknak hrang hman a si hlanah mah le mah cekfelaw ta dingin in sim. Himi sullam na ruah mi reltlang uh.
NUNPI AW	Ziangti vekin hi zirnak in in challenge? 1. Bawipa Jesu cu 'Milai Famkim' a si, asilole milai dang vek thothe a si t imi ziangtin na hmu? 2. Milai Famkim a si mi cu a lo Rundamtu ah na rinsan zo maw? Na rinsan zo asile a thuhla mi dang sim vivo aw?	Ziangti vekin hi zirnak in in challenge? 1. Khristian kan si vekin sang le sabit ti kan hman tinten ngunngaih zetin a hmuhsak duh mi kan ruat maw? 2. Puithiam le raithawinak fehtlangih tuah kan tul nawn lo mi "thukham thar" hi kan thupitter maw, asinan tu cu Jesu ruangah Pathian hnenah kan fehcih thei a si?

	B8 – LEVEL 3 Zirnak 4 – Thuthangtha ngantupawl Thupi – John	B8 – LEVEL 4 Zirnak 4 – An nun lamtluanah Thupi – Khristianpawl vekih than
	Bible Thu hlawm: John 20: 26-31 Cang hril: John 20: 31 Kan zir thei mi cu: 1. John cun Jesu cu 'Pathian Fapa' a si ti a rel uar. 2. Bawipa Jesu cun 'Keimah' ti mi hmun tam zetah a rellang, cule cuti a phuanlangawknak cu Pathian thawn an tluktlanawknak a si ih, cumi cu Pathian amah rori in Thukhamg Hlun sungah 'Keimah' tiin a k aw a si. (Suahlanak 3: 14-15)	Bible Thu hlawm: 1 Peter 2: 1-3, 2 Peter 3: 18, Apostol 17: 10-12 Cang hril: 1 Peter 2: 2 Kan zir thei mi cu: 1. Khristianpawl cu zumnak nun ah ni tin an thang ding a si. 2. Mi kip hrangah Pathian zangfahnak le theihnak zir ding tampi a um ring ring.
THEIHTER AW	John cun Thuthangtha a ngan mi ah Jesu cu 'thu' tin a khihbmuh. (John 1: 1). Thu ti mi cu mi dang hnenih thuhla kan sim le phuannak hmanrua a si. Pathian cun a Fapa minung pianzia nei mi, Bawipa Jesu Khrih cu kum 2000 liam zo mi ah, fala him Mary in Bethlehem khua ih a hrin mi Pathian Fapa cu Minung Fapa ah rung cangin, hi leitlun ah famkim in amah le amah a phuangleangaw a si. Kan hrangih a thihnak cun Pathian in ziang tluk in duhdawt ti a langter, cule anih cu Pathian ih lungthlitum kan hnenih a phuanlangnak a si.	Hipawl hi ziangti vekin an thang ti relkhawm uh, thimnakah... rannung, naute, hramkung, thingkung pawl. Ziangah hipawl hi an than a tul si pei? An tul mi ngah lo bang sehla ziang an cang ding?
ZIRH AW	Bible Thuanthu sim aw Relpi awla, simfiang hai aw: 1. John cun Jesu cu 'Thu' tiah a khihbmuh (John 1: 1) 2. John cun amah le mah cu 'Jesu ih duhdawt mi dungthluntu' a si thu a khihbmuh aw.' (John 20: 2) 3. John-ih Thuthangtha ah, 'Keimah' ti mi cu Pathian le Jesu hmin hrang hman a si ih, cumi cun Pathian ih sinak lole mizia lamzin phun dangdang pasarih lai a khihbmuh a si: Nunnak Sang a si. (John 6: 35, 41, 48, 51) Leitlun Tieu a si. (John 8: 12, 9: 5) Sangkâ a si. (John 10: 7, 9) Tuu khâl tha a si. (John 10: 11, 14) Thawhsalnak le Nunnak a si. (John 11: 25-26) Lamzin, Thutak le Nunnak a si. (John 14: 6) Sabit hri. (John 15: 1, 5) 4. John in a thuthangtha cu Bawipa Jesu kan zum ih, kumkhaw nunnak kan neihnak dingah a ngan a si. (John 20: 30-31) Cang pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix A zoh aw - John	Bible Thuanthu sim aw Relpi awla, simfiang hai aw: 1. Khristian kan si vekin kan nundân ding lamzin ih nung ding kan si. Khrih-ih nun, ziaza cu kan nun le tuah mipawl ah a langsuk ding a si. Jesu sunlawih ding kan si ahcun ziangtin kan nung ding ti thei dingih in bawmtu Bible sungah cang tampi a um. 2. 1 Peter 2: 1, sungah bumih um ding, tiawkte lo ding le mi iksik ding kan si lo ti in sim. 3. 1 Peter 2: 2 - cun Zumtu thar cu nausen suak pek vek a si a ti. Thang ding cun hnawi ti a in a tul. Hi tawkih hnawi ti cu Pathian Kamsuakthu a si. Cutin naute cu a tum tiang thang vivo ding a si, rawl ei khal a tul lai thotho. Cu vekin Khristian nun ah thang ding cun rawl (Bible) siarlo thil dang tul mi a nei lo. 4. 2 Peter 3: 18 cun Kan Bawipa theihnak le zangfahnak ah thang ding in zirh. A zangfahnak le theihnak cu ziang a si, cumi ah ziangtin kan thang thei ding ti mi thlawngtapawl thawn reltlang uh. 5. Paul le Silas in Berea khua ih thuthangtha an sim rero laiah, an sim mipawl cu hlawptlo zet le phur zet in an cohang. Apostol 17 cun thinlung takin an ngai, hlawptlo zet in an cohang ih, a dik maw dik lo ti thei ding in ni tinten Cathiang sungah an hawl. Pathian theisin dingah ziang tlukin taimak an suah! Cang pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix A zoh aw – zuk remcang a um lo.
ZOHSAL AW	'Keimah' ti mi mizia pasarih a tlunih ngan mi hmang uhla, pakhat cio in Jesu cu Pathian Fapa a si ti ziangtin a langter ti reltlang uh.	Paul le Silas in thu an sim mi Berea khaw mipawl cu hlawptlo zet in an zir ih, (Apostol 17: 10-12) Paul le Silas ih sim mipawl cu a dik maw dik lo ti thei dingah Cathiang sungah an hawl. Pastor le hrutitupawl ih sim mi a si ruangah hman thluh dingah kan ruat thluh ding a si lo. Thu dik a si maw, si lo ti Bible sungah a phi hman kanmah te kan hawl ding a si.
NUNPI AW	Ziangti vekin hi zirnak in in challenge? 1. Jesu cu Pathian Fapa a si tiah an zum asile ziang an co ding thlawngtapawl simter dingah challenge hai aw. 2. An sim thei asile Jesu ah an zumnak an thum zo maw, kumkhaw nunnak teh an co zo maw? (John 1: 12-13, 5: 24) 3. Kumkhaw nunnak kan co zo asile vanram lamzin kan zawh tinak a si, cule kan nunnak ih Pathian-ih duhnak hawlin ni tinten Bible kan siar ding a si. Kan tlunih Bawipa Jesu-ih thatnak ruangah lungawi thu simin ni tinten a hnenah thlacam ding kan si, cule Bible kan siar mi a takih kan nunpi thei nak dingah huham in pe dingin kan dil ding a si.	Ziangti vekin hi zirnak in in challenge? 1. Ni tinten thandân ding kan hawl maw? Kan zumnak a cah sin thei nak ding hrang Pathian thu theisin dingah thlacamin, Bible kan siar maw? Pathian Kamsuakthu zirnak le Thiang Thlarau kaihhruainak thawng lawngin kan thang thei a si. 2. Berea khaw mipawl thawn khaihinaw hnuk uhsi? In zirh mipawl lunglut zet in an ngai maw? A dik le dik lo thei dingah ni tinten Cathiang sungah kan hawl maw? 3. Bible cu Pathian Kamsuakthu a si ti ziangtin kan theifiang thei ding ti reltlang uh.

	B9 – LEVEL 3 Zirnak 1 – Mosi Thupi – Bawmte sungih naute	B9 – LEVEL 4 Zirnak 1 – Mosi Thupi – Siangpahrang
	Bible Thu hlawm: <i>Suahlannak 1: 6-20 le 22; 2: 1-10</i> Câng hril: <i>Hebru 11: 23</i> Kan zir thei mi cu: 1. Israel-mipawl cu lzip ram sungah an karh tuk ih, an thazang a cak vivo ruangah ral do cân ah kan ralpawl lamah țang tahratin in do pang ding tiah Faro cun a ruat, curuangah naute mipa hmuahhmuah cu thah thluh ding an si tiah thu a suah. 2. Israel-mipawl sál sungin luatter dingah le Faro sungter dingah Pathian in Mosi hman a tum, curuangah naute Mosi cu Nâl Tiva sungah thupterin a humhim a si.	Bible Thu hlawm: <i>Suahlannak 1: 5-22; 2: 1-25</i> Câng hril: <i>Hebru 11: 23</i> Kan zir thei mi cu: 1. Israel-mipawl cu lzip ram sungah an karh tuk ih, an thazang a cak vivo ruangah ral do cân ah kan ralpawl lamah țang tahratin in do pang ding tiah Faro cun a ruat, curuangah naute mipa hmuahhmuah cu thah thluh ding a si tiah thu a suah.. 2. Pathian in Mosi-ih nun ah tumtah mi a nei – lzip ram sungin Israel-mipawl runsuah ding a si.
THEIHTER AW	Zirnak B6 & B7 zohki sal aw, cule kum 300 liam zo mi ah Joseph le a ulepawl cu lzip ram ah an thleng ih, cu tawkah Israel-mipawl cu nasa zet in an karh ciamco ti tlawngtapawl hnenah sim hai aw. Mi thar, Faro cu uktu a si ih, anih cun sál ah a tuah hai. Cui cân laifangah Pathian cun an hrangih a tumtah mi tuahsuak dingin Mosi cu a suah thlak in a kilkhawi. Mosi cun Israel-mipawl cu Kanaan ram ah a hruai hai ding a si.	Zirnak B6 & B7 zohkirsal aw. Joseph a thih tikah Israel-mipawl cu sungkua tam zetah an rung cang. Sikhalsehla, an hung tam tuk tikah mi thar Faro cun a huphurh hai ih sál ah a tuah hai. Sikhalsehla Pathian cun a hngilh lo, a tumtah vekin Israel miphun hrang a tumtah mi a tuahsuak ding a si.
ZIRH AW	Bible Thuanthu sim aw Relpi awla, simfiang hai aw: 1. Faro cu ram uktu a hung si, Israel-mipawl cu nasa zet in an karh ih an cakdeuh deuh (1: 7) ih zawnzaihter an si (1: 8-11), asinan Pathian cun an harsatnak cu a hmu ih, a kilkhawi hai. (1: 12) 2. Faro cun mipa naute suak pek hmuahhmuah cu that tahratin karhzai nawn lo ding in thu a suah. (1: 15-20) 3. Mosi cu Amram le Jokhebed ih hrin mi fa a si, thla thum sung lai an kilkhawi hnuah phaipheng bawmte sungah an ret ih Nâl Tiva kapah an itter. (2: 1-3) 4. Pathian in Mosi nunnak humhim dingah a farnu Miriam, a nu le Faro-ih fanu a hmang hai a si. (2: 4-9) 5. 'Faro fanu-ih fapa' sinak le lzip siangpahrang ro cotu dinhmun ih a um ruangah Mosi cun fimnak tam zet a zirngah (Apostol 7: 22). Câng pawimawh kha simfiang hai awla, zir ding in thlawngtapawl thape hai aw. Zirnak 1-nak zir ding in thlawngtapawl thape hai aw. Hmuh aw: FBI sung Appendix B zoh aw – Bawmte sungih naute.	Bible Thuanthu sim aw Relpi awla, simfiang hai aw: 1. Faro cun Israel-mipawl in ka lalram in lawng pang ding ti a phang, curuangah karhzai nawn lo ding in sál ah a tuah hai a si. (1: 8-11) 2. Israel-mipawl cu an cakdeuh deuh, curuangah Faro cun nau sartupawl hnenah mipa nauhak hmuahhmuah that thluh ding in a sim hai, asinan a thupek kalhin naute cu an zuah riangri sawn. (1: 15-20) 3. Mosi a suah tikah, a nu in phaipheng bawmte a tuahsak ih, a sungah a ret, cule Nâl Tiva kapah a thup. (2: 1-3) 4. Faro-ih fanu cun naute cu a lasuak ih, amai nu cu a umtu dingah a cang. (2: 4-9) 5. Mosi cu siangpahrang innpi sung a thleng. A hung upat deuh tikah sál tang Israel-mipawl runsuah tumin a cahnak a hun langter. 6. Sál pakhat thattu lzip mi pakhat a that, cule Midian ram ah a tlan. (2: 11-15) Câng pawimawh kha simfiang hai awla, zir ding in thlawngtapawl thape hai aw. Zirnak 1-nak zir ding in thlawngtapawl thape hai aw. Hmuh aw: FBI sung Appendix B zoh aw – Siangpahrang.
ZOHSAL AW	An zirngah mi sungin catluan malten a tawi zawng in thlawngtapawl tuahter hai aw: (i) Mosi a ra suahnak dun glam thu (ii) Humhim a sinak (iii) Ngaihsak a sinak (iv) A fimthiamnak (v) lzip ram ih a co mi sinak le dinhmun	Zirnak 1 thawn a pehpar mi thusuhnakpawl sut phahin zirnak zohkir pi aw. Nau sartupawl le Mosi-ih nu in cui ram thusuah mi an thlunlonak thu ruat hnuk uh. Khristianpawl in ram sung dân hi a thlun ding a si maw, si lo ti group pakhat ciarin relkhawm uh, cule cuvek dinhmun i an um laifangah thupek thlun ding cu thil har zet a si ding ti group pakhat ciarin relkhawm uh.
NUNPI AW	Ziangti vekin hi zirnak in in challenge? Pathian in naute, Mosi nunnak ah a ropi zet mi tumtahnak a nei, a nunnak a kilkhawi ih, a kaihrui vekin, kan rundamnak hrang a Fapa, Bawipa Jesu ah zumnak kan nei a si ahcun kan nunnak in kilkhawi ding ih, in kaihrui fawn ding a si. Cutin Pathian cu thil ziangkim tlunih thuneitu a si ti kan zirngah ding a si.	Ziangti vekin hi zirnak in in challenge? 1. An thil tawn mi ah beisei ding um lo hman sehla Mosi-ih nu le pa le nau sartupawl cun Pathian an rinsan ih, an țihzah ruangah a dik mi an tuah a si. Harsatnak kan tawn laifangah diknak ah kan ding ngam ve pei maw? 2. Mosi-ih sualnak cu langpang zet in theihsuah a si. Kannih ruahnak ah cun 'sual titham lo te' simaw kan tuah tiah kan ruat țheu, asinan langsar zet lole thupi tuk lemlo khal sehla hmuhsuahn a umsal ringring țheu a si, Pathian cun a zaten a thei țheh, a hmu țheh a si.

	B9 – LEVEL 3 Zirnak 2 – Mosi Thupi – A tusual mi tumzet	B9 – LEVEL 4 Zirnak 2 – Mosi Thupi – Tuukhaltu
	Bible Thu hlawm: <i>Suahlannak 2: 11-22</i> Câng hril: <i>Mipum Siarnak 32: 23</i> Kan zir thei mi cu: 1. Mosi cun a mipawl bǎwm thawk a duh. 2. Mi dang nhen ihsin kan sualnak thuh kan tum a si khalle Bawipa Jesu hmaiah cun kan thup thei lo ding. 3. Bawipa Jesu hmaiah tluangtlamtein kan sual kan phuang ih, kan lung kan thleng tikah, in ngaidam ding a si. (tlawngtapawl hnenah 1 John 1: 9 khih hmuh aw)	Bible Thu hlawm: <i>Suahlannak 3: 1-16; 4: 1-17</i> Câng hril: <i>Apostol 7: 35</i> Kan zir thei mi cu: 1. Pathian cu Mosi hnenah a langaw ih, a mipawl runsuak dingih fehsal dingin a sim. 2. Pathian in Mosi cu a fial mi hna tuah dingih kawh a sinak ah a hnenih um dingin thu a tiam.
THEIHTER AW	Mosi cu Faro fanu-ih fapa a hung si thlang, cule siangpahrang inn ah a thanglian ti mi Zirnak 1 ih cemnetnak thu tlawngtapawl mangtersal aw. Hi mi zirnak ah anih cu kum 40 lai a kim zo (Apostol 7: 23) cule Israel-mipawl Izip ah ziangti vekih zawnzaihter an si ti mi thu rori a thinlung ah a cam. Thahnem a ngai tuk takah Izip mi a rak thah mi cu mithahnak sual tuah a si, (Suahlannak 2: 12). Pathian cun a mipawl runsuak dingah Mosi hman a tum, asinan Pathian-ih hna t̃uan dingih a man hlan sung cu a dang kum 40 a hngak hrih!	Suahlannak 3: 1-nak ih Horeb Tlang cu Sinai Tlang tinak a si, Mosi ih nun lam tuan hrang hmun thupi tuk mi a si ti tlawngtapawl simfiang aw. Suahlannak 3: 12-nak ah Pathian in Mosi hnenah: 'hi tlang ah Pathian na rian ding a si' tiah a ti. Hi tlang parah Pathian in Mosi a bia ih, a hnenah 'Thupek Pahra' a pe. (19: 1-20)
ZIRH AW	Bible Thuanthu sim aw Relpi awla, simfiang hai aw: 1. Mosi cun sál tang Israel-mipawl t̃lunah lainatnak a nei, asinan Izip mi manhlap zetih a thahnak ruangah Pathian a lungawi lo. An tawn mi dinhmun ah Pathian kaihhruainak dilin thlacam ding a si. (Suahlannak 2: 12) 2. Mosi cun anmai cahnak thawngin Israel-mipawl runsuak thei dingin a ruataw, asinan cumi cu Pathian tumtah mi a si lo. 3. A sualnak theihsuah a si tikah Midian ram ah a tlan. (2: 15) 4. Midian ram ih tikhur kiangah a nupi si lai ding mi Ziforah a tawng (2: 21), cun fa pahni an nei. Pakhat deuh cu Gershom tiah an ko, a sullam cu 'mikhual' tinak a si. A hmin cun Mosi cu Midian ram ah khawhar zetin a um ti a langter. Fapa dang a neisal, a hmin ah Eliazar tiah a ti, a sullam cu 'Pathian cu i bawmtu' tinak a si. Izip mi a thah ruangaih that dingih a hawltu Faro kut sungin runsuaktu Pathian hnenah lungawi thu a sim. Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI Appendix B zoh aw – A tusual mi tumzet	Bible Thuanthu sim aw Relpi awla, simfiang hai aw: 1. Mosi cu Izip ihsin a tlan ih, Midian-mipawl hnenah a va um. (3: 1) 2. Pathian in Mosi cu thing bük kang sungin a bia, upatnak lāngternak ah a ke ih kedan a phawih. Izip ihsin Israel-mipawl hruaisuak dingin Faro hnenah thlah a duh ti Pathian in Mosi hnenih a sim tikah, a fial mi hna tuahsuak ding a tlinlonak a relang. (3: 10-11) 3. Izip-mipawl in pathian tampi an neih laiah, Israel-mipawl hnenah 'Keimah in nan hnenah i thlah' tiah Israel-mipawl hnenah – 'a dik mi pakhat umsün, a thlengaw- dah lo mi Pathian' a si ti sim dingin Pathian in Mosi a sim. (3: 14). 4. Mosi hnenih a huham langter dingah le Pathian diktak a si ti mipi in an theih thei nak ding hrang Mosi in an hnenih a langter thei nak dingah Pathian in Mosi-ih ken mi kianghrāwl cu rul ih cangter dingah a hmang a si. (4: 1-5) 5. Mosi hrangih t̃awngtu dingah Pathian in Aaron a netnakah fehler a siang, cule Pathian in a hnenih a sim vekin Mosi in Aaron a sim s̃awng ding a si. (Suahlannak 4: 16) 6. Izip ihsin Israel-mipawl hruaisuak dingah Mosi cu Faro va tawng dingin a pawksuak. Himi cu a nunnak ih challenge-nak nasa zet a tawn mi a si men ding. Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI Appendix B zoh aw – Tuukhaltu.
ZOHSAL AW	Apostol 7: 23-29 siar phahin lesson zohkirsal uh, cule zirnak thehsuaknak ding hrang bawm hai dingah lesson 2-nak thawn a pehpar mi thusuhnak tlawngtapawl sut hai aw.	Israel-mipawl hruaisuak dingah Izip ram ih kirsal dingin a sim lai ih Mosi in suanlam a hawlak t̃awngkam langter dingah Mosi zuk suai awla, a t̃awngsuah mi hrekkhat zuk parah tar aw.
NUNPI AW	Ziangti vekin hi zirnak in in challenge? 1. A rawng kan bawlnak hrang in kaihrui dingah Bawipa Jesu hnenih b̃awmnak dil le kanmai duhdān vek si loin amai duhdān sawnih thil dik tuah ding a thupitnak thu suhnak in. 2. Sualnak thup loin, Bawipa Jesu hnenih sualphan a thupitnak in. Pathian cun ziang hmuahhmuah a thei theh, thil zianghman a hmaiah thupaw mi a um lo ti tlawngtapawl mangtersal aw.	Ziangti vekin hi zirnak in in challenge? 1. Mosi hnenih lang mi Pathian cu t̃usun ni tiang khali h nung, kan thinlung sungih c̃eng Pathian tho tho a si ko lo sawm? An nunnak kaihrui le an thinlung sungih c̃eng a si maw, si lo ti tlawngtapawl challenge hai aw. 2. A dungthluntu kan si vekin, thil pakhat khat tuah dingin Pathian in in ko a si ahcun Mosi aiawh i t̃awngsuak dingah Aaron a fial vekin, a hna t̃uan thehsuak a si tiang in bawm ve ding a si.

	B9 – LEVEL 3 Zirnak 3 – Mosi Thupi – Thing Būk kāng	B9 – LEVEL 4 Zirnak 3 – Mosi Thupi – Hruaitu
	Bible Thu hlawm: <i>Suahlannak 2: 23-25; 3: 1-10</i> Cāng hril: <i>Suahlannak 15: 11</i> Kan zir thei mi cu: 1. Izip siangpahrang thar in Israel-mipawl cu sál ah zawnzai zetin a tuah hai ti Pathian cun a thei, asinan Kanaan ram ah a hruaikirsal hai leh ding a si. 2. Israel-mipawl Izip ram ihsin Kanaan ram ih hruaisuak dingah Pathian in Mosi cu a ko.	Bible Thu hlawm: <i>Suahlannak 7: 1-25</i> Cāng hril: <i>Thufim 29: 1</i> Kan zir thei mi cu: 1. Pathian-ih huham cu ziang vek mibur umkhawm lole milai hnak hmanin a caksawn – Anih cu ziangkimtithai, a cakkik Pathian a si. 2. Mi hrekkhat cun harsatnak an tawn cān ah Pathian an ko theu, cule an nun lam a tuan tikah Pathian sim mi an hngilhsal.
THEIHTER AW	Tui an dinhmun tlawngtapawl thawn reltlang uh; Mosi cun Izip ram a suahsan zo ih, Midian ram ah innsang thar dinin a um. A hleicein, Faro in thah a duh ruangah Izip ram kirsal ding cu a ruat lo. Israel-mipawl cu Izip ram ah nasa zetin harnak an tawng, cule Pathian hnenah bāwmnak an dil. Pathian in an aunak a theihsak, Mosi thawn.	Izip ah ziang a tawng ding ti hman thei cia lo ih a um tikah Mosi cun ziangtin thu a ruat pei ti tlawngtapawl thawn ruattlang uh. Thuhla pakhat ruangih thinphangih kan um tikah, ziangruangah hi thil a cang, zo in in bawm ding tiah thil cang rero mi thuhla theihfiang kan duh. Cuvek cu Mosi hrang Pathian i tuah mi cu a si <i>Suahlannak 7: 1-5.</i>
ZIRH AW	Bible Thuanthu sim aw Relpi awla, simfiang hai aw: 1. Israel-mipawl zawnzaihna dinhmun Pathian in a theihpi hai nak – A hmu hai, a thei hai, an tuarnak a thei hai. (<i>2: 23-25</i>) 2. Pathian in an aihramnak a thei, Sinai Tlang parah le thing būk kāng thil cang mi sungin a Thianhlimnak le Zo a si ti Mosi hnenah a phuangaw. 3. Ziang tlukin Israel-mipawl a ngaisak ih (<i>cāng 7</i>), Faro kut sungin ziangtin a runsuak tum (<i>cāng 8</i>) tile, Mosi cu Izip ram ihsin runsuaktu ding a si ti Mosi hnenah a sim thei. (<i>cāng 10</i>) 4. <i>Suahlannak 3: 5</i> ah 'thianghlim' ti mi Bible tawngfang hmaisabik a lang, cule Mosi in a kedan a phawih mi in a dinnak cu hmun 'thianghlim' a si ti a thei. Kan Pathian cu tihzahnak le upatnak thawn pehtlaih ding kan si. 5. 'Thung būk kāng' ih Pathian thawn an tawnawknak in Mosi cun Pathian thianhlimnak le huham zir ding a nei a si. Cāng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sung Appendix B zoh aw – Thing būk kāng.	Bible Thuanthu sim aw Relpi awla, simfiang hai aw: 1. Pathian in Mosi cu Faro hrang pathian tlukin thiltithe zetah a tuah ('Faro hrangah pathian vekah ka lo tuah zo' (<i>7: 1</i>) –curuangah a thu ngaisak ding a phu a si, asinan Faro cun a sim mi cu a ngai duh cuang lo. 2. Bawipai thupek mi vekin Mosi le Aaron cun an tuah, cule Aaron cun Faro hmaiah a kianghrāwl cu a hlawn tikah rul ah a cang, cun Faro-ih dawthiampawl cun an kianghrāwl an hlawn ve tikah rul ah a cang, asinan Aaron-ih kianghrāwl in an kianghrāwlpawl cu a dawlh tlhuh, Pathian-ih huham hnaṭuan langternak a si. (<i>7: 8-12</i>) 3. Mosi le Aaron cun kianghrāwl cu Nāl Tiva tlunah an hlawn, cule tiva ih tidai hmuahhmuah cu thisen ah a cang. Ngapawl an thi theh, tiva cu a namsia ih in a thei hlo, khawlhawknak le lo hnaṭuannak hrang khalah hman a theih lo. (<i>7: 20-21</i>) 4. Mipipawl suak dingih Mosi ih diinak cu Faro cun a el. 5. Faro in a thu ngai in, Israel-mipawl fehler dingah Pathian in a thlah mi hremnak tampi hmungah dingin <i>Bung 8-10</i> siar aw. Asinan a thinlung a hakter sinsin ih, a thu a ngai duh cuang lo. Faro-ih elnak cun a netnakah Pathian khawkhaw mi hremnak a tlang ding ti fiangtertu a si. Cāng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sung Appendix B zoh aw – Hruaitu.
ZOHSAL AW	<i>Apostol 7: 30-35</i> hmangin tlawngtapawl lesson zohpisal aw. Stefen in Mosi ih nun ziangti vekin a sim ti hmuh hai awla, thing būk kāng thil cang mi simtel aw.	Cāng pawimawh zoh awla, himi zirnak thawn milaw mi thu zirnak pindan sungah relkhawm uh.
NUNPI AW	Ziangti vekin hi zirnak in in challenge? 1. Pathian cu thiaghlim Pathian a si ruangah upatnak le sunlawihnak kan pek hi a phu a si ti cingkeng ding kan si. Mi tampi in tuisun ah Pathian hmin zianghman loih an hman vekin hmang ve ding kan si lo. 2. Thiaghlim Pathian si cingin misualpawl hrangih thi dingin a Fapa, Bawipa Jesu Khrih cu a run thlah, a Fapa rinsanih, kan siraw a si ahcun, kan rak tuah sual zo mi, amah kan tihzahlonak le upatlonak telin kan sualpawl a zaten ngaidam a si ding a si.	Ziangti vekin hi zirnak in in challenge? 1. <i>Sam 105: 23-29</i> zoh aw, cule Pathian cu ziangkim tlunih thuneitu a si ti ruat uh. Tuini kan leilungpi thawn a pehparawkdān ruatkawm uh. 2. Tidai thisen ih cang mi cu mangbangza thil cang mi a si, Khraws parih in tuahsak mi thu le Bawipa Jesu kan rinsan a si ahcun cuhnakh mangbangza thil kan nun khalah a tuah thei a si.

	B9 – LEVEL 3 Zirnak 4 – Mosi Thupi – Pathianthucah phuang	B9 – LEVEL 4 Zirnak 4 – Mosi Thupi – Runsuaktu
	Bible Thu hlawm: <i>Suahlannak 5: 1-9; 22-23; 6: 1-9</i> Câng hril: <i>Hebru 10: 31</i> Kan zir thei mi cu: - Mosi le Aaron cun Israel-mipawl fehter ih, Faro dil dingin an feh, asinan Faro cun an dilnak cu a cohlang lo. - Faro cun Israel-mipawl a fehter hai ding, zianghahtile fehter dingin ka turhnawh ding a si tiah Bawipa in Mosi hnenah a nemhnget.	Bible Thu hlawm: <i>Suahlannak 11: 1-10; 12: 1-13 & 21-42</i> Câng hril: <i>John 1: 29; 1 Korin 5: 7</i> Kan zir thei mi cu: - Izip-mipawl thulunlonak ruangah Pathian in an parah thu a then, asinan Israel-mipawl ih thulunlak ruangah an parah Pathian in zangfahnak a langter. - Lanta puai cun khraws parih a thihnak hmangin kan sualpawl hrang thuthennak in phurhsaktu Bawipa Jesu thawhsalnak le thihnak a khihhmuh.
THEIHTER AW	Pathian cun Mosi cu Izip ramih kirsal dingah thupek a si na cingin feh ding ngaingai cu Mosi in a hreh nasa. Pathian cun a hnenih um dingin thu a tiam, asinan Mosi cun hmaitawn ih Faro ka hmuhsal tikah ziang ka tawng ding ti a thei lo. Curuangah Pathian in Mosi hnenah lo bawm dingin Aaron hrui aw tiah a sim.	Izip rampi thiltitheinak cun Israel-mipawl le Abraham hnenih a thutiam thleng lo dingin a kham thei lo. A netabik hremnak cu Izip ram ih sál dinhmun ih an um netnak a si. Israel-mipawl cun Mosi ih thusim mipawl an thlun ding ih, Pathian thuthennak ihsin an him ding a si.
ZIRH AW	Bible Thuanthu sim aw Relpi awla, simfiang hai aw: - Israewl-mipawl fehter siseh tiah a hnenih thlah mi Mosi le Aaron hmangin Israel-mipawl fehter dingih dilnak cu Faro cun ziang khalah a siar lo. (5: 4) Faro cun thlakrawh tuahnak ding hrangih cangpawl pe nawn loin, anmah te a khawmternak in an hnatan a khungharter. (5: 6-7) - Mosi cun harsatnak a neih mi Pathian hnenah a thlen, cule Izip ihsin Israel-mipawl a suahter ding thuhla felfai a hnenah a sim. (5: 22-23, le 6: 1) Suahlannak 6: 6-8 sungah Bawipa in 'Ka tuah ding' tiah vei 7 rori a ti, cule Suahlannak 6: 2 sungah cun 'Keimah cu Jehovah ka si' tiah a ti. Pathian cun Mosi le Aaron cu a huham le a thutiampawl zum dingin a duh. Izip ram sungih hremnak phun 10 a run thlah ding mi a huham cu tuihnu rei lo teah Faro in a hmu ding a si tiah a fiangter. - Mosi cun cui thu cu Israel-mipawl hnenah a sim sawng, asinan sál an sinak le zawnzaihter an sinak a natsat tuk ruangah an thin a nater ih, an tha a nauter. (6: 9) Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sung Appendix B zoh aw – Pathian thucah phuang.	Bible Thuanthu sim aw Relpi awla, simfiang hai aw: - Faro cun hremnak phun kua a thleng mi hmu zo si ih, Pathian-ih mangbangza huham ziangih a siar lo asile Pathian in a tuah lai ding mi in Mosi le Aaron cun ralrinnak an pe a si. (Sam 105: 26-36). Hremnak netabik hrang ralrinnak pek an si. (11: 4-6) - Lanta puai timtuah a si, cule Israel-mipawl cu tuu fa no thisen thianghlum sangka biang pahnih le sangka tlunih hnih dingin zsim an si. - Innsang kipih fatir thihnak hrang tuu fa no aiawhnak le thawiawnak ziangvek a si ti mi a thupitnak sim hai aw. Rannung a thih tengteng ding ruangah fatir an thih a tul lo ding a si. (12: 1-7) - Zamtim ah hremnak netabik a thleng, Izip ram ih fatir hmuahhmuah in an thi theh, asinan Israel-mipawl cu an thi ve lo, zianghahtile sangka biang le tlunih tuu fa no thisen an hnih ruangah a si. (12: 29-30) - A netnak ah Faro cun Israel mipi cu fehter a siang hai. Izip ram ih kum 430 sung an um hnua Israel-mipawl cun Izip ram suahtan an thawk. Semtirnak 15: 13-14 nakah Abraham hnenih Pathian thutiam a thlengkim a si! Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sung Appendix B zoh aw – Runsuaktu.
ZOHSAL AW	Faro in an fehlo ding a rak ti tikah Mosi in ziangtin a sawnkirsal ih, Pathian in Mosi hnenah ziang thu a rak sim zo ti ruat uh. Israel-mipawl in Mosi le Aaron cu a zoh ih, an phunzai laiah, Mosi cu thil cang rero mi ah Pathian lam a zoh ih a phunzai ve thung. 'Keimah cu Jehovah ka si' a ti mi hin Pathian cu ziang tlukin a thinsau ih, zangfahnak a nei tile a tumtah mi le a thutiam mi an hnenah simfiang salaw.	Israel-mipawl in lanta puai tuu fa no thisen thianghlum thawiawnak an tuah mi in a hmuhsak mi ruat dingin thape hai aw. A ra lai ding mi thawiawnak ropi ziangtin a hmuhsak ti ruat uh. (Kan aiawhin Bawipa Jesu-ih thisen thianghlum thawiawnak a si – Anih cu Pathian Tuufano a si.)
NUNPI AW	Ziangti vekin hi zirnak in in challenge? - Pathian cun ziangkim tlunih thuneitu, Pathian cak a si ti kan theih a duh a si. - Pathian cun a thu thlun lo hi thupi tuk ah a ret ti kan theih ding a duh. - Pathian cun harsat cân khalah amah kan rinsan ringring thei a si ti kan theih ding a duh. In tanta men lo ding ih, kan hrang tumtah mi a nei ringring sawn ti kan cinken ding a duh.	Ziangti vekin hi zirnak in in challenge? - Kan sualnak ihsin kan luat thei nak dingah a man sunglawi pefel zo a si ti kan theifiang ngaingai maw? Khraws parih thihnak hmangin Jesu in tlennak hrang a man a pefel thluh zo maw? - Amah rori in kan sualpawl a fehliampi ruangah le Pathian thawn pehtlaihawknak dik kan neih thei ruangah a hnenah lungawi thu kan sim maw? A thilpek kumkhaw nunnak rak cohlan le Jesu rinsan hi kan zatei tuah ding mi a si.

	B10 – LEVEL 3 Zirnak 1 – Mosi Thupi – Lanta Puai tuu fa no	B10 – LEVEL 4 Zirnak 1 – Mosi Thupi – Tipisen an tan
	Bible Thu hlawm: <i>Suahlannak 12: 1-14, 29-36 & 50-51</i> Câng hril: <i>Suahlannak 12: 13</i> Kan zir thei mi cu: 1. Thulunonak ruangah lzip-mipawl tlunah Pathian in thuñhennak a langter, cule thulunak ruangah Israel-mipawl hnenah zangfahnak a langter. 2. Jesu cu thawiwknak famkim le Rundamtu a si.	Bible Thu hlawm: <i>Suahlannak 13: 17-22, 14: 1-31</i> Câng hril: <i>Suahlannak 14: 13</i> Kan zir thei mi cu: 1. Pathian cu Israel-mipawl hnenah a um. 2. Israel-mipawl cun Pathian bawmnak le kilhimnak an ringhlel. 3. lzip ram ihsin a minungpawl a runsuahnak hmangin Pathian cun a huham a hmuh hai.
THEIHTER AW	Tlawng cawlh cân ih lungawinak puai thuhla le thil an tuah tlangpi mi tlawngtapawl ruat dingin sut hai aw, ðimnakah... Khriemas, thosal tivek. Cui lungawina kpuai cu Pathian in kan hrang in tuahsak mi hmsin tlak ni pawimawh a si ti sim hai aw. Jew-pawl zumnak ah – lanta puai lăwmnak an tuah ðheu mi an thei dah zo maw ti sut hai aw. Tusun ah lanta puai thu kan zir ding a si.	An feh dah lo nak hmun hlapi ah khaulawng ding an si thu tlawngtapawl suangtuahter hai aw. An fehnak ding hmuhaktu ding thil pakhat (zuk) lole mi pakhat an ðul. Tiamkam mi ram hla zet panih an khaulawnnak hrang Israel-mipawl ðul mi cu hi mi hi a si. An khaulawnnak lam tuan ah Pathian in a hleicein a kaihruai hai.
ZIRH AW	Bible Thuanthu sim aw Relpi awla, simfiang hai aw: 1. Tlawngtapawl hnenah hremnakpawl kha zohpisal awla, a netabik cu a ðihnungin a rapthlak cuang ti sim hai aw. Faro hnakin a caksawn ti Pathian in langter a tum. 2. Pathian in Mosi le Aaron hnenah tuah ding mi fumfe zetin a sim hai. (câng 1-14) 3. Israel-mipawl cun raitluan tuu fa no an that ding ih, thihnak ihsin luat dingah sangka biang le tlunah an hnih ding a si. 4. Innsang tin ih fatir thih ai thi ding le thawiwknak hrang ziangti vekin an hmang ti mi tuu fa no a thupitnak sim hai aw. 5. Lanta puai cu sañil thawn raithawinak a tuahtu innsangpawl Bawipa in a "lanta" zan sunlawihnak hrang Jew-pawl lungawinak puai a si. An sangka tlunih thisen a hnih lo tu innsang kip ih fapa hmuah in thah thluh an si. 6. Tlennak sullam simfiang hai aw; sál tannak ihsin runsuak lole lei kirsal tinak a si. Thukham Hlun san laiah cun misual hrang sañil hmangin thawiwknak tuah Pathian in a cohlang. Kan hrang a ra mi Jesu cun kan sualpawl hrang a famkim mi a nunnak in aiawh thihnak a tuar. Jesu cu in Rundamtu a si – Anih cun sual huham sungin in runsuak ih, Pathian lamah in nungter. Jesu thawiwknak cun sañil thawn thawiwknak a tawpter, a ðul nawn lo. 7. A netnak ah Faro cun Israel-mipawl fehter a siang – Pathian cun a thutiam, a kilhim a si! (12: 31-32) Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sung Appendix B zoh aw – Lanta puai tuu fa no.	Bible Thuanthu sim aw Relpi awla, simfiang hai aw: 1. Pathian in Israel-mipawl lzip ram in a hruai hai. Sun ah mero ðhuam in le zan ah meisa ðhuam in a hruai hai. Cutin Pathian in a umpi ih, a kaihruai, a bawm hai ti an thei. (13: 21-22) <i>A cân ah cun minung in Pathian ih a umpi hai nak hminsinnak hmuh an duh ðheu ti mi tlawngtapawl thawn relkhawm uh. Asinan Pathian kan rinsan a si ahcun - anih cu tu-ah kan hnenah a um ih, Thiang Thlarau le Bible hmangin in kaihruai a si.</i> 2. Israel-mipawl lzip ram in luat dingih bawm an sinak a si thu ruat hnik uh. Runsuah an si cingin Faro-ih ralkalpawl in kai dingin an rak nai ti an hmuh tikah ziangtin ðihnak in an khatsal ti mi ruat hnik hman! (14: 10) 3. Israel-mipawl cun hi thil ruangah Pathian hnenih phuizai an thawk, cule an thin a heng fawn. Asinan Mosi cun daitei um dingin a sim hai. Pathian in a lo dosak ding tiah a ti. Mosi cun Pathian rinsan a zir rero. (14: 13-14) 4. Pathian cun mipi cu hmai lamah feh dingin a sim hai, cule an hrang Tipi Sen hmangin luatnak lamzin a tuahsak hai. Cuisin Pathian in lzip-mipawl cu Tipi sungah a hlawn thluh hai. A mipawl hrang runsuahnak lamzin a awnsak. Pathian cun a huham lăngternak men lawngah si loin, a mipawl a duhdawnak langter dingah Tipi ðencat dingin thilmak tuah thei nak a nei a si. (14: 21-28) 5. Israel-mipawl cun khaih ni ah Pathian-ih ðihnunzia an thei ih, amah le Mosi an rinsan. (14: 31) Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sung Appendix B zoh aw – Tipi sen an tan.
ZOHSAL AW	Kum rei zet sál tannak ihsin Pathian hnenih an ðah aihram hnu, hremnak tam zet a thlen hnuah Faro cun Pathian thu a el, cuhnu lawngin Israel-mipawl sál in an luat! lzip ram an suahsan hnu ziang vekin an khansa ti group ðhenin reltlang uh.	Tuisun lesson zoh kirsalnak ah hmangin tlawngtapawl thusuhnak tawi sut hai aw .
NUNPI AW	Ziangti vekin hi zirnak in in challenge? 1. Kan sualpawl ihsin luatnak ding hrangih pek mi man a sunlawidān kan theifiang ngaingai maw? Cun khraws thihnak hmangin Jesu cun in tlen zo ih, a man khal a pe thluh zo, ti teh kan theifiang ngaingai maw? 2. Amah rori in kan sualpawl a fehliampi ruangah le Pathian thawn pehtlhawknak dik kan neih thei ruangah a hnenah lungawi thu kan sim maw? A thilpek kumkhaw nunnak rak cohlan le Jesu rinsan hi kan zatei tuah tengteng ding mi a si.	Ziangti vekin hi zirnak in in challenge? 1. Thil kan duh vekih a can lo tikah asilole kan beisei vekih a feh lo tikah, ziangtin kan thungruksal ðheu? Pathian ah phunzaiin kan thinheng mai maw? Asilole kan beisei vek a si lo khalle Pathian kan rinsan a si ahcun amah in in bawm ding ti rinsannak thawn buainak kan hmaitawn ngam maw? 2. Pathian hrangah thil cang thei lo mi a um lo ti hi zirnak in ruat hnik aw. (Isaiah 43: 2-3) sung zoh aw)

	B10 – LEVEL 3 Zirnak 2 – Mosi Thupi – Tipi Sen	B10 – LEVEL 4 Zirnak 2 – Mosi Thupi – Sinai Tlang parah
	Bible Thu hlawm: <i>Suahlannak 13: 20-22, 14: 5-15, 19-31</i> Câng hril: <i>Suahlannak 14: 14</i> Kan zir thei mi cu: 1. Pathian in a hril mi a mipawl Izip ram in a hruaisuak. 2. Israel-mipawl in Pathian ngaihsaknak rinhlelh an thawk. 3. Pathian cun a umpi ih, a hruai hai, a kilhim hai fawn.	Bible Thu hlawm: <i>Suahlannak 19: 1-13, 16-25, 20: 1-21</i> Câng hril: <i>Suahlannak 19: 5 & 20: 20</i> Kan zir thei mi cu: 1. Pathian cu a thianghlim ih, thil a ti thei. 2. Israel-mipawl tuah thei lo mi cu kannih cun awlsam zetin Pathian naih thei nak kan nei. 3. Pathian in Israel-mipawl cu ziang ti nun ding a si ti mi zirhnak a pe hai.
THEIHTER AW	Israel-mipawl in ziangtin an um (khansa) pei. Ram pakhat si in, Kum 430 sung rori Izip ram ah sál ah an tang nân, tu cun an zalen thlang ding a si. Israel-mipawl in hi thuhla hi an ruat ve dingah na zum maw ti tlawngtapawl sut hai aw.	Thil ziangtinkim hrang kaihhruainak le dân kan nei ti ruat hnuk aw, thimnakah... Rawl suan ih hman ding ngannak manual, thil pakhat suandân ding. Himi lamhmuhtupawl hi kanmah in bawmtu ding an si. Israel-mipawl hrang Mosi in a lak mi Thupek pahra khal cuvek an si. An nun kaihrui dingih bawmtu hrang a thahnem zet mi a si.
ZIRH AW	Bible Thuanthu sim aw Relpi awla, simfiang hai aw: 1. A netnakah Israel-mipawl cu an luat ih, Ram Tiam lam panin Izip ihsin an pawksuak! Sál sinakin an luat cu ziang tlukin an tha a tho ding ti ruat hnuk hman! 2. Pathian in Israel-mipawl cu sun ah mero thuan in, zan ah meisa thuan in a hruai hai. (13: 21-22) Himi cun a umpi hai ringring nak le a kaihhruainak a langter mi a si. <i>Tuisun ah Pathian i in umpinak hi a lang hmuh theih in siseh ti kan duh theu. Asinan Bible le Thiang Thlarau hmangin in kaihrui, in bawm thei a si.</i> 3. Faro ralkappawl in Israel tefapawl an dawi veten Pathian in in kilkhaw lo a si tiah an phunzai. Pathian an rinsan lo. (14: 10-11) Pathian in ziangti vekin a rak bawm ih, a hruaisuak hai zo ti an ngilth bepbep. <i>Kan nunnak ah thil a sidân ding vek a si lo tikah hivek thinlung put hi kan nei theu a si ti simfiang hai aw.</i> 4. Harsatnak dinhmun sungin Pathian in a rak hruai zo nak le Jehovah in a dosak hai ding thu Mosi cun a mangter hai. (14: 14) 5. Israel-mipawl ral khat lamih an thlencih thei nak ding le Tipi Sen an tankai ih Izip-mipawl a siatsuah thluh thei nak dingah Pathian in Tipi Sen cu a thenawktarnak in Pathian in a huham cahnak a langter. (14: 21-22, 26-28) 6. Israel-mipawl cun Bawipa an tihzah ih, an hruaitu a si mi Mosi an rinsan. (14: 31) Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sungih Appendix B zoh aw – Tipi Sen.	Bible Thuanthu sim aw Relpi awla, simfiang hai aw: 1. Israel-mipawl Izip ram ihsin Pathian in a hruaisuahnak thla hnih lai a ti zo. A ra lai ding mi hrang an rak timlam cia. (19: 1) 2. Israel-mipawl cu ziangti vekin hril mi miphun le a hlawnthil hleice an si ding ti mi mipi hnenih sim dingah Pathian in Mosi hnenah a sim. (19: 5-6) Serhhran aw hai dingin a sim hai. <i>Serhhran aw ti mi sullam simfiang aw – a dangtei um, thlarau lam le taksa lam zawngin Pathian tawng dingih tiar cia tei um tinak a si.</i> 3. Israel-mipawl cun tlang an dai ding a si lo, zianghantile cumi cu a thianghlim a si. Pathian-ih huham le thianhlimnak cu a natsat tuk ruangah mipi in Pathian an naih ngam lo. (19: 10-13) Bawipa Jesu in a zatei in tuahsak mi ruangah zalen zetin a thianghlim le a cakbik Pathian kan naih thei hi ziang tluk mangbangza so a si ti ruat hnuk aw. 4. Pathian cun amah naih dingah Mosi lawng a siang ih, Thupek Pahra a pe. (20: 1-17) Hi Thupekpawl cun pakhat le pakhat karlak le Pathian lamih an mawhphurh a sim thei hai a si. Israel-mipawl thianhlimnak a takih nunpi dingah, Pathian mizia hmu ding le ziangtihi nun ding ti khawkhannak a neih mi lamih hruai dingah dân cu pek an si. 5. Mipi cu tlang parih kai ding an duh lo ih, an tih fawn, curuangah Mosi cu Pathian le mipi karlak remnak palai a tñan. Jesu cu Mosi hnakin a ropisawn ih, Pathian le milai karlak remnak palai a si. (1 Timothy 2: 5) 6. Mosi cun tih lo dingin a sim hai, asinan Pathian tihnak in a umpi hai ding a si. An tihnak cu a nasa tuk. Mosi cun Pathian tihzahnak thawn mipi aiawhin a ding, cumi cun sual ihsin kilhim hai dingah Pathian rinsannak le thulunak a suahpi. (20: 20) Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sungih Appendix B zoh aw – Sinai Tlang parah.
ZOHSAL AW	Hi thuanthu hi ngai nuam dingin rem aw; Pathian in Israel-mipawl a kaihhruainak, anmah dawi dingin Izip-mipawl a cawkthonak, le ziangtin Jehovah in a run hai ti mipawl.	Thupek Pahra ngan phahin zirlai zohkirsal dingah tlawngtapawl sut hai aw, cule pakhat ciar rettlang uh. Ziangti vekin Thupek Pahra hi kan nun ah a takin kan hmangsuak thei?
NUNPI AW	Ziangti vekin hi zirnak in in challenge? Thil tha lo kan tlunih a thlen tikah, Pathian a um ngaingai lo, in bawm khal a duh taktak lo a si hi tiah Pathian ah kan phunzai pang maw? Asilole Pathian kan rinsan a si ahcun in rak bawm zo vekin in bawm peh ding ih, in dosak vivo ding a si tiah Mosi in a zum vekin kan zum ve maw?	Ziangti vekin hi zirnak in in challenge? Israel-mipawl in ziang tlukin Pathian an tih ih, a hmaiih ding dingah an tlak lozia kan ruah tikah Jesu Khrih ruangah zalen zetin Pathian-ih umnak naih thei nak cân remcang zet kan neih mi kan hmangngah maw? Pathian hmaiah mithianghlim kan sinak dingah Jesu, amah rori in kan sualpawl a fehliampi ruangah lungawi thu sim ding kan si. (2 Korin 5: 21 zoh aw)

	B10 – LEVEL 3 Zirnak 3 – Mosi Thupi – Harsatnak lamzin	B10 – LEVEL 4 Zirnak 3 – Mosi Thupi – Meisa sungin
	Bible Thu hlawm: <i>Suahlannak 17: 1-16</i> Câng hril: <i>1 Peter 5: 7</i> Kan zir thei mi cu: 1. Israel-mipawl cun Pathian an ringhlele lai. 2. Thil ti sual dah lo Pathian cun a bawm ding ih, a dosak hai ding a si.	Bible Thu hlawm: <i>Suahlannak 32: 1-35</i> Câng hril: <i>Suahlannak 32: 26 & 33</i> Kan zir thei mi cu: 1. Israel-mipawl cun Pathian-ih Thupekawl an hngilh lohli. 2. Pathian cun amah a tluntupawl hnenah ngilneihnak a langter, a thlun duh lo tupawl cu a hrem hai a si.
THEIHTER AW	Israel-mipawl ziang tluk hla an thleng zo, lzip ram sungih hremnakpawl, Tipi Sen an tan thu le Pathian in an tul mi ziangtin a pe hai ding ti zoh kirsal aw. Hi thupawl ah Israel-mipawl in Pathian ah ziang vek ruahnak an nei pei ti tlawnngtapawl sut hai aw.	An thil tuah mi a dik lo a si ti an theih cân tlawnngtapawl ruat dingin sut hai aw. Hi vek dinhmun ah mipi thlunin, si ko seh kan ti theu nak ziangruangah a si ti ruat hnik aw. Hi zirnak ah Aaron vek si lo dingin le Pathian duhnak thlunin, Mosi vek si dingin kan zir a si.
ZIRH AW	Bible Thuanthu sim aw Relpi awla, simfiang hai aw: 1. Israel-mipawl cu Pathian-ih thupek thlunin an feh vivo. Asinan an khualtlawnnak lamzin ah tidai in ding a um lo. Curuangah an phunzai thawk lala. (17: 2-3) Pathian rinsan le a hnenih thlacam lam si loin Mosi tlunah an phunzai. 2. An phunzai cing cun Pathian in a zangfah hai ih, lungpi ihsin in ding tidai a pe – an tlunih Thil ti sual dah lo Pathian cun mangbangza thilmak a tuahsak hai! (17: 5-6) 3. Buainak an tawn mi a cem hrih lo, Amalek-mipawl in an rak do hrih lai! (17: 8) Hi mibur hi miṭha lo le ṭhningza, mai hlawnak hrang men ih mit hahhmang an si. <i>Israel-mipawl cun lzip ram an suahsan zo, cui buainak tlunah, tu-ah Amalek-mipawl in le an rak thatbet hrih tikah Israel-mipawl in ziangti vekin an khansa peil</i> 4. Asinan Pathian in a bawm hai a si. Mosi cu tlang parah a hung kai ih, Pathian-ih kianghräwl cu a lu tlunah a thlir. Cuti a thlir asile nehnak an co, asinan a ṭhum asile ral an sung! Mosi-ih ban cu a kham tuk tikah Aaron le Hur cun a lu tlunih thlir dingin an bawm. (17: 11-13) 5. Cui ni ah Israel-mipawl in nehnak an co – an ralpawl neh dingah an lamih ṭang Bawipa in a bawm hai a si. Himi cun Mosi hmangin Pathian in Israel-mipawl a hruai hai ti a hmuhnak a si. Câng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sungih Appendix B zoh aw– Harsatnak lamzin.	Bible Thuanthu sim aw Relpi awla, simfiang hai aw: 1. Israel- fatepawl cun Sinai Tlang ihsin Mosi a kirsal ding an hngak cawk nawn lo. Anmai kut rori in buainak tuahin, anmai pathian tuah an duh. Pathian-ih kaihhruainak cu milem biaknak sual thawn an luahkhatter. Himi cu Thupek hmaisa pahnih pahbal an si ti ruat aw. (32: 1-4) 2. Thil thleng rero mi Pathian in a hmuh tikah thulunlonak ruangah miphun zate huapin siatsuah thluh a tum (32: 10) asinan Mosi cun tuahsuak lo dingin Pathian a dil. Hinah Pathian in a ngilneihnak a langter. (32: 11-14) Ngilneihnak sullam simfiang aw <i>(thi dingih hremnak pek tlak mi rori nunnak zuah)</i>. 3. Mosi cu tlang par ihsin a suk, mipi lamih a thinhengnak cu a so in a so, cule Pathian-ih dân an pahbäl ti langter dingah Thupek Pahra lungphengpawl cu an hmaiah a hlawn. (32: 19) Mipi tlunih Pathian thinhengnak cu a nasa tuk. 4. Aaron in Israel fatepawl a hruaisualnak parah Mosi a lungawi lo. Israel tefapawl ih thil tuah mi cu a dik lo mi a si ti thei ding a si nan, an phunzainak cu a ngai sawn ih, sui caw no lem biaknak a dinsak sawn riangri. (32: 21-22) 5. Mosi in Israel-mipawl cu “Zo so Jehovah lamih ṭang?” tiah a sut hai. Pathian lamah ka ṭang a ti lo tu le a sim mi thlun lo tu hmuah cu khaih ni ah thah thluh an si. (32: 26-29) <i>Mi dang zo hnen khalih rinumnak lăngter hnakin Pathian hnenih rinumnak hi a thupibik mi a si.</i> Câng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sungih Appendix B zoh aw – Meisa sungin.
ZOHSAL AW	Câng pawimawh zir uhla, ziangtin a takin an nunpi thei ding ti group thenin reltlang uh. Ziangtik lai khalah Pathian cun amah kan rinsan ringring ding a duh a si.	1 John 5: 21 zoh aw, cule kan thilung sung in luahkhattu Pathian cu ziang vek “pathian” in a luahkhat thei ti ruat aw. Himi câng hmangin Pathian thu lun ding le tuah ding a thupitnak langsarter awla, “pathian lem” tar ding mi tuah aw.
NUNPI AW	Ziangti vekin hi zirnak in in challenge? 1. Harsatnak cân ah Pathian in in bawm thei a si ti kan hngilh pang theu maw? Kan ral in dosak ding le harsat mangbang cân ah in bawm ding a si ti mang ringring in a hnenah kan kirsal ding a si. 2. Ziangti vekin Aaron le Hur in Mosi lu tlunih kianghräwl tliir dingah an bawm ti ruat hnik hman – tha an pe ih, an bawm a si. Mi dang bawm dingah tuisun ah ziangti vekin kan nung ve?	Ziangti vekin hi zirnak in in challenge? 1. Curuangah Pathian thulunak ihsin kan pial ih, thil kan ti sual pang theu a si. Asinan Pathian hnenah zangfah di in, lungthlen ih kan kirsal asile ngaidamnak kan co thei a si. 2. Dik ih a theih mi parah Aaron a ding ngam lo. Hi vek thil tuahin, mipi thlun tahratiḥ kan um cân kan ruatsuak thei maw? Kan nun ah hi thil a ra thlen tikah sualfawrhak sungih lut lo dingin, a thu lung dingih in bawm dingah Pathian hnenah thlacam aw.

	B10 – LEVEL 3 Zirnak 4 – Mosi Thupi – Dar rul	B10 – LEVEL 4 Zirnak 4 – Mosi Thupi – Ramthng ah
	Bible Thu hlawm: <i>Mipum Siarnak 21: 4-9, John 3: 1-2 & 14-16</i> Câng hril: <i>John 3: 14-15</i> Kan zir thei mi cu: 1. Israel-mipawl Pathian hnenah an phunzaisal. 2. Pathian in a hrem hai tengteng ding – ASINAN an hrang hremnak ihsin luat dingah lamzin a tuahsak. 3. Himi cun kan sualrawl ruanghkhraws parih thlai mi Jesu a rak hmuhsak cia mi a si.	Bible Thu hlawm: <i>Mipum Siarnak 21: 1-9</i> Câng hril: <i>John 3: 14 & 15</i> Kan zir thei mi cu: 1. Israel-mipawl cun Pathian in ziangti vekin a kilkhaw ih, an tul mi a pe ti an hngilh lohli. 2. Pathian in Israel fatepawl cu amah rinsan loin, ziang tlukin an sual ti an hnenah a langter. 3. Hremnak an tuar ding mi sungin Pathian in luatkak lamzin a tuahsak.
THEIHTER AW	Mi pakhat hnen ihsin thutiam an hngak rero lai asilole thil pakhat hngah har an ti mi ruat dingin tlawngtapawl sut hai aw. Pathian in Israel-mipawl hnenah Ram Tiam pe dingin a rak tiam zo, asinan cumi thlen ding cu hngah har an ti.	Lam hla zet an tlawnnak ruat hnik hman. Mipi cun an tuar thei cawk lo, hngah har an ti, a hleicein nauhakpawl, cu cingin lam tuan in a cawm hai hrih. A cân ah cun cui hmun thlen lohli mai an duh theu ding. Himi si, Israel-mipawl Ram Tiam an thlennak dingih an tawnteh mi, Pathian in an hnenih a sim hai mi cu a si.
ZIRH AW	Bible Thuanthu sim aw Relpi awla, simfiang hai aw: 1. Israel-mipawl cu kum 40 sung lai ramthng ah an um zo, an bei a dawng zet. Pathian hnenah hitin an phunzaisal – “Ziangah so ramthng ih thi dingin Izip ihta in hruaisuak” tiah an ti. (Mipum Siarnak 21: 4) 2. Curuanga amah an rinsan lo ruanga Pathian a thin a heng. An lakah micuk na zet mi rul a thlah ih, mi tampi an thi. Mipi sualnak ngaidamnak hranga Mosi cun thla a camsak. (21: 7) 3. Thum parih tar ding mi dar rul tuah dingin Pathian in Mosi a fial, rul a zohtu hmuah in damnak an hmu. Dar rul cu Israel-mipawl hrang damnak thlent u a si. Israel-mipawl in cumi an zohnak thawngin Pathian thuthennak a si ti an theithiam ih, Pathian lawngin thihnak in a runsuak thei a si. (21: 9) 4. Israel-mipawl cun thing parih thlai mi rul cun sullam thupi tuk a nei ti an thei hrih lo. John 3:14-16 sungah, rul an zohnak in Israel-mipawl ziangtin damter an si ti Jesu in a simfiang hai, Cu vekin tuisun khal ah khraws parih thlai mi Jesu-ih thihnak zohnak in kan sualrawl damter a si ve ding a si. Israel-mipawl damtertu kha rul si sawn loin, zumnak in a damter hai sawn a si. Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix B zoh aw – Dar rul.	Bible Thuanthu sim aw Relpi awla, simfiang hai aw: 1. Israel-mipawl cu kum 40 sung rori ramthng ah an vakvai ih, thlen ding an hngakhlap nasa a si. Pathian in Ram Tiam pe dingin a tiam hai zo fawn, cui hmun le an thleng ban hrih si lo, curuanga Pathian in a kaihhrui zo nakpawl man lam hnakin an tawn mi parah an hnenah an phunzai sawn a si kha. (Mipum Siarnak 21: 4-6) 2. Tui hlanah dinhmun thnungum zet sungah an rak um dah zo, asinan Pathian rinsan loh, a hnenih an phunzai cing khalin an hnenah a um ih, a cawm hai a si. 3. Asinan tu cun Pathian in taww a ti thlang, an lakah rul cuk na zet pawl a thlah ih, a cuk hai, cule mi tampi an thi. (21: 6) 4. Mipi cun an sualnak an theisuak lohli, cun Pathian hnenah ngaidamnak dilsak dingin Mosi an dil. (21: 7) 5. Curuanga Pathian in dar rul thing parih thlai dingin a sim hai, cumi a zohtu hmuah in an nung ding a si. Rul zoh phah cing cun Pathian in hremnak hi a run thlah ih, amah lawngin a lasal thei ih, in rundam thei ti an theisuak. (21: 9) 6. Israel fatepawl cun himi cu Bawipa Jesu khraws parih a thihnak ding hmuhsaknak a si ti an theithiam lo. Rul a zohtu ta pawh cu rul cuknak in an dam ih, thihnak in an luat a si. Cu vekin khraws parih Bawipa Jesu a rinsan ih, a zohtu hmuah in an thi lo ding ih, kumkhaw nunnak an nei sawn ding a si. (Câng pawimawh zoh aw) Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix B zoh aw – Ramthng ah.
ZOHSAL AW	Bible câng theih lar zet mi, John 3: 16 zoh din in le kumkhaw nunnak ih sullam ruat dingin tlawngtapawl sut hai aw. Mi tampi in kumkhaw nunnak ti mi cfang hi an duh lem lo, ziangah tile leitlun an nunnak an duh lo ruanga a si. Asinan Jesu ih in pek mi kumkhaw nunnak cu natnak, thihnak, sual lole thatlonak um lo a rel duh mi a si! Khrih kan theingah ih, a dung kan thlun a si ahcun hmuh theih in hi leitlun kan nunnak a thlengnak a si.	Mibur malte then in, Sam 78: 10-38 hi zoh uhla, zirtlang uh, cule a mipawl hrangih mangbangza Pathian thil tuah mipawl le an tuah zo mi parih an thlunng put ngansuak uh.
NUNPI AW	Ziangti vekin hi zirnak in in challenge? Israel-mipawl in Pathian an rinsan lo, a Dän an thlun lo, an hrangih a tuahsak zo mipawl an hngilh thluh ruanga a hnenah an phunzai. Kanmai cangvaihnak le thinlung put ruanga kan phunzai theu nak ruat hnik aw. Phunzainak hi kan tifel tengteng ding mi a si, cun kan nun a luahkhat ding a si lo.	Ziangti vekin hi zirnak in in challenge? Pathian cun an tulsam mi hmuahhmuah pe cingin Israel tefapawl cun an tawn mi parah a tlunah an phunzai. Cu vekin, Pathian ih in pek mi thlawsuah hmuahhmuah le amah kan rinsan asile kan tulsam mi ziangtin in pe ding ti hngilh tahratin hivek kan si ve thei a si. Kan sualrawl ihsin rundam kan si thei nak ding le kumkhaw nunnak kan co thei nak dingah khraws parih Jesu cu zohin, kan rinsan zo maw?

	B11 – LEVEL 3 Zirnak 1 – Mosi Thupi – Pathian tawnnak	B11 – LEVEL 4 Zirnak 1 – Dān Thupi – “Pathian pakhat”
	Bible Thu hlawm: <i>Suahlannak 19: 1-14</i> Câng hril: <i>1 Peter 1: 16</i> Kan zir thei mi cu: 1. Pathian cu a thianghlim ih, a famkim. 2. Thulunak hi Pathian thawn kan pehtlaihawknak ih thupi tuk mi a si. 3. Pathian dân cun a mipawl sualnak a phawhrhang.	Bible Thu hlawm: <i>Suahlannak 19: 16-25, & 20: 1-7, Mathai 22: 34-40</i> Câng hril: <i>Mathai 22: 37</i> Kan zir thei mi cu: 1. Pathian cu thianghlim Pathian a si. 2. Pathian cu cakkik Pathian a si. 3. Pathian cu thikthusia Pathian a si. 4. Pathian cu duhdawtnak Pathian a si.
THEIHTER AW	Mo puai ih feh ding si bang hai sehla ziang an tuah ding ti ruat dingin tlawngtapawl sut hai aw, ðimnakah... hnipuan sawp fai, bualawk lole tifaiawk le hnipuan mawi hruhin thiangaifai tei puai hman! Pathian cu a thianghlim tuk ih, sual a nei lo, curuangah Israel tefapawl le an sual cingcing, ziangtin Israel tefapawl in Pathian tawng dingin an timlamaw ding ti simfiang hai aw.	Hi zirnak cun Pathian siarlo pathian dang lole milem pathian an nei himhrim lo ding a si tiah Pathian in Israel tefapawl hnenih thupek a pek mi kan ruattlang ding a si. Pathian le kanmah lakah thil pakhat khat a um a si ahcun cumi cu milem biak a si. Zohðim dingah kan kiangkap ih milem lole pathianpawl ruat hnik uh, cule kan nun ih Pathian cēnnak hmun ziangtin a luahlan thei ti tlawngtapawl thawn reltlang uh.
ZIRH AW	Bible Thuanthu sim aw Relpi awla, simfiang hai aw: 1. Pathian tawng dingin Mosi lawng tlang parah a hung kai thei. Pathian umnak cu a huham a nasa tuk ih, a thianghlim ruangah Israel tefapawl cu tlang parah an kai thei lo. (câng 3) 2. Israel-mipawl lzip ihsin a runsuahnak in sǎn a nei, tu-ah cumi cu a sim hai. A duhdān vekih nung ding le a thu thlun ding a duh. Pathian in Israel tefapawl cu miphun thianghlim le a hril hleice mi si ding a duh. (câng 5-6) 3. Jehovah thupek mi an theih tikah mipi cun Jehovah in a rak sim mi hmuahhmuah kan tuah ding tiah an ti. (câng 8) 4. Israel tefapawl Jehovah be dingih serhhranaw dingin Pathian in Mosi hnenah a sim. (câng 10) Himi cu Pathian tawng dingih timlamawknak a si. Hnipuan sawpfaiin, Pathian tawng dingah an thinlung le ruahnak an timlamaw ding a si. Pathian be dingah taksa lam an thianfainak in ziangti vekin thinlung lam thianfainak a bawm ti tlawngtapawl simfiang aw. 5. Ziangruangah Pathian tawng dingin timlamaw a ðul ti hmu dingah Câng pawimawh zoh aw. Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sungih Appendix B zoh aw –Pathian tawnnak.	Bible Thuanthu sim aw Relpi awla, simfiang hai aw: 1. Israel-mipawl cu Sinai Tlang ah hruai an si, cule Pathian tawng dingih man cia dingah an timlamaw. Pathian cu a thianghlim tuk ruangah an leng lam tal thianghlim thei patawpin an um a ðul. (19: 14) 2. Jehovah cu tlang parah meisa in a rung ðum–Israel tefapawl cu a huham ruangah ðih le khurin an um. (19: 16-18) 3. Pathian cun a fatepawl cu amah siarlo pathian dang nei lo dingin a sim hai. (20: 3) Jehovah luahlantu a si pang lo nak dingah milem lole pathian dang be lo dingin a sim hai. Amah kan duhdawt ding lawng a duh, ziangah tile Pathian cu thikthusia Pathian a si, amah a duhdaw ih, a thupek a thluntu hnenah a cem dah lo mi a duhdawtnak thawi in duhdawttu a si. (20: 5-6) 4. Pathian cun thikthusia Pathian ka si a ti tikah sual, ðhatlonak i khat milai thilthusia vek a si lo. Pathian-ih thikthusiatnak cun duhdawtnak diktak le a ngaisaknak a langter ðheu a si. 5. Jehovah hmin cu umze nei loin an hmang ding a si lo. Kan hman mi Pathian hmin cun ziangtin kan nun ah Pathian kan theifiang ti a langter. A hmin thianghlim cu thu ðha lo ðawngsuahnak lole tiamkamnak hrangah hmang loin, Pathian thangthatnak le biaknak hrangah kan hmang ding a si. (20: 7) 6. Jesu leitlun a um lai ah Dān lam mithiampawl cun awhngah an tum. Mathai 22: 34-40. Tlawngtapawl zoh dingin sim aw. Jesu-ih Thupek ropibik ziang a si? Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sungih Appendix B zoh aw –Pathian pakhat.
ZOHSAL AW	Sinai Tlang cu a thianghlim mi hmun a si ti tlawngtapawl thawn ruat uh. Pathian cun hrambur kang sungin Mosi a bia (Suahlannak 3: 1-12). Thih ðih ih a tlanðumah Pathian in Elijah cu awnemte in a bia a si kha. (1 Sph 19: 1-13)	Câng pawimawh zir uhla, tuisun ih zir mi hi Bible câng in ziangtin a khaikhawm ti reltlang uh. Zirnak 1 zirngah dingah thusuhnak in bawm hai aw.
NUNPI AW	Ziangti vekin hi zirnak in in challenge? 1. Pathian cu a thianghlim ih, a famkim, kannih cu misual kan si, kan thianghlim lo, cu cing cun Pathian naihi thei nak lamzin kan ðul a si. 2. Himi ruangah si Pathian in a Fapa Jesu kan hrang thi dingin le kan sualpawl ngaidamnak dingah leitlun ih a run thlahnak sǎn. Bawipa Jesu ah zumnak kan nei a si ahcun Pathian in mithianghlim taktak vekah in hmu, in pawm a si!	Ziangti vekin hi zirnak in in challenge? 1. Pathian hnakihi thupisawn ih an ret mi asilole an nunnak ih Pathian hmun luahtu ziangtal a um maw ti ruat dingin tlawngtapawl sut hai aw? Himi a thupitnak hi an ruahsal a ðul tla a si men thei. 2. Pathian hmin umze nei lo in simaw lole thutiamnak ah simaw an hmangsuual pang maw ti ruat uh? Himi cun Pathian a riahsiat zet a si. Pathian hmin ziangtin an hmang ti fimkhur zetih ruat dingin challenge hai aw.

	B11 – LEVEL 3 Zirnak 2 – Mosi Thupi – Pathian theihnak	B11 – LEVEL 4 Zirnak 2 – Dăn Thupi – “Pathian lamzin”
	Bible Thu hlawm: <i>Suahlannak 20: 1-12</i> Câng hril: <i>Mathai 22: 37</i> Kan zir thei mi cu: 1. Jehovah cu Pathan nung dik umsün a si. 2. Jehovah-ih hmin cu a danglam hleiceih, upat ding a si. 3. Sunday ni cu a hleiceih cawlnak hrangih hman ding a si. 4. Kan nu le pa upat ding hi a thupi tuk mi a si.	Bible Thu hlawm: <i>Suahlannak 20: 8-11, Luke 13: 10-17</i> Câng hril: <i>Suahlannak 20: 8</i> Kan zir thei mi cu: 1. Pathian in Sabbath hi thianghlum tei kan ul ding a duh. 2. Dănpawl thlunnak in mi va duhdawt ding a dawnkham lo.
THEIHTER AW	Ni tin nundăn ah thlun ding dănpawl hi thil tha a si ti vun ruat hnuk. Thimnakah.... lehnak kipah, a sa zet mi thil tham lo dingih nu le pai dawn mi thil, ril thei dăn thlun mi mei tleu, ih cân, tlawng feh cân....,tvp. A miphun thianghlum ih tuah dingah Pathian in ziangti vekin Israel tefapawl thlun ding dăn a pe ti tlawngtapawl thawn rel uh –Thupek Pahra. Pathian duhdăn vekih nung dingah cun Pathian-ih kaihhruainak an tul a si.	Ni tin nundăn ah thlun ding dănpawl hi thil tha a si ti vun ruat hnuk, Thimnak.... lehnak, a sa zet mi thil tham lo dingih nu le pai kham mi, ril thei dăn thlun mi mei tleu, ih cân, tlawng cân....tvp. A miphun thianghlum si ding le a kilhimnak hnuaiah a thabik ih nundăn hmuh dingah Pathian in ziangti vekin Israel tefapawl thlun ding Thupek Pahra a pe ti reltlang uh.
ZIRH AW	Bible Thuanthu sim aw Relpi awla, simfiang hai aw: 1. Thupek hmaisabik (<i>câng 1-3</i>) Jehovah in a pek mi ah amah sia lo, pathian dang lole milem nan nei ding a si lo tiah a sim. Milem biak ti mi cu kan nunnak ih Pathian hmun luahtu hi a si. Himi hi Pathian lamah a thupi tuk mi a si; Himi ruangah si Thupek Hmaisabik a sinak sãn. Jesu, amah rori khalin <i>Mathai 4:10</i> ah a nemhngheh mi a si 2. Thupek Pahnihnak cu pathian dang himhrim nan tuah lo ding ti a si (<i>câng 4</i>). Israel tefapawl cu milem le pathian tam zet umnak hmun ihsin ra suak an si, curuagah hi thil tuah hi an hrangah thil awlte a si men ding. Jesu in hi Thupek cu <i>Luke 16: 13</i> sungah a rel uar nasa. 3. Thupek Pathumnak cu Jehovah kan Pathian hmin umze nei loih hman lo ding a si (<i>câng 7</i>). Jehovah-ih hmin cu a ropi tuk, curuagah umze nei loih hman ding a si lo. Pathian hmin kan hman mi cun Pathian ziangti vekin kan thei ti in khihmuh. Jehovah hmin cu tawng tha lo relnak le a hmin ih thutiamkamnak ah hmang loin, amah thangthat le biaknak ah kan hmang ding a si. 4. Thupek Palitnak cu Sabbath ni thianghlum teih ulh ding a si (<i>câng 8-11</i>), zarh khat sung ni ruk hnakin a danglam hleice a si. Jehovah cun lei le vanpawl ni ruk sung a tuah, cule Sabbath ni ah a cawl, cumi cu tuah ve ding kan si. Pathian cun a sersiam mi cawlnak cân nei ih, amah kan biak ding a duh. 5. Thupek Pangatnak cu nu le pa upat ding a si (<i>câng 12</i>). <i>Upat ti sullam le ziangtin kan nu le pa kan upat thei ding ti mi reltlang uh.</i> Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sungih Appendix B zoh aw – Pathian theihnak.	Bible Thuanthu sim aw Relpi awla, simfiang hai aw: 1. Israel-mipawl hnenih pek mi Thupek Pahra lakih pakhat cu Sabbath ni thianghlum tei ulh ding le Pathian hnenih serhranawk ding a si. (<i>Suahlannak 20: 8-11</i>) 2. Pathian cun lei le vanpawl ni ruk sung a tuah ih, a ni sarihnak ah a cawl. Cu vekih thlun ve dingih, a dang hnakin danglam deuhih hmang dingah, cawlnak hrang serhranawk ding le a sersiam mi cawlnak cân nei ih, amah kan biak ding hi tha in pe a si. (<i>Suahlannak 2: 2</i>) 3. Hivek tidăn hi manna an sarkhawm laiah Israel-mipawl hnenah Pathian in a rak zirh zo. (<i>Suahlannak 16: 22-26</i>) 4. Jesu leitlun a um laiah hi Thupek a “thlunnak” parah mipi an lungawi lo. Sabbath ni ah mipi a damter tikah dăn a thlun lo tiah sual an puh a si kha. Hivek hi hmun tampi ah a cang mi a si. Pakhat cu <i>Luke 13: 10-17</i> ah kan hmu thei. 5. Sunday ni ah an satil an ngaihsaknak cu depdetnak a si tiah Jesu in a phawrhlang hai, cuti a si ahcun Jesu in milai cu a ngaihsak sinsin lo ding maw? Dăn hmangih kaihngah an tum, cule Dăn cu ngunngaih zetin an thlun nân, an nun ih Pathian-ih duhnak ngaingai cu an hngilh riangri. (<i>Luke 13: 15-17</i>) Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sungih Appendix B zoh aw – Pathian Lamzin.
ZOHSAL AW	<i>Mathai 22: 37-40</i> zoh aw, cule himi câng in ziangtin Thupek Pahra a khaihawm ti reltlang uh. Zirnak 2 thehsuak dingah thusuhnak in tlawngtapawl bawm hai aw.	Sabbath ni thianghlum tei ul ding le serhran ding thu ah “Hrangah” tile “Kalhin” ti mi hmangin khat lam veve in group thenin thu elawknak nei uh.
NUNPI AW	Ziangti vekin hi zirnak in in challenge? 1. Pathian hmaiah pathian dang asilole milem ret mi kan nei maw? Thil dang kan tifei tul mi cu thimnakah.. lehnak, TV, hnațuan tvp... hin Pathian hmun luah hlah seh. 2. A tha lo zawngin thutiamnak ah Pathian hmin kan hmangsuat pang maw? A thianghlum le a ropi tuk mi a si vekin Pathian hmin pehtlaih dingah kan fimkhur ding a si. 3. A dang hnakin Sunday hi a hleicein kan ul maw? 4. Kan nu le pa kan upat maw?	Ziangti vekin hi zirnak in in challenge? 1. Zohman Thupek zate thlun thei an um lo; misual kan si theh, Pathian ropitnak kan thlang ban lo. (<i>Rom 3: 23</i>) 2. Hi Thupekpawl thlun zuamnak in Pathian kan lungawiter thei lo. 3. Pathian hmaiah ding thei dingah le kan suat man cawhkuan phur dingin Jesu Khrih cu a ra. Kan nunnak ah Jesu kan cohlang asile, a duhdăn vekih nung dingih in bawm dingin Thlarau Thianghlum in pe a si.

	B11 – LEVEL 3 Zirnak 3 – Mosi Thupi – Pathian thulun	B11 – LEVEL 4 Zirnak 3 – Dān Thupi – “Pathian a pakhatnak ah”
	Bible Thu hlawm: <i>Suahlannak 20: 13-21; Mathai 19: 16-30</i> Cāng hril: <i>Mathai 19: 21</i> Kan zir thei mi cu: 1. Thupekpawl cu thlun dingah Pathian in a pe. 2. Hi Thupekpawl thlunnak in kumkhaw nunnak kan co ding tinak a si lo. 3. Pathian lo thil dang kan nun ah kan ret theu a si.	Bible Thu hlawm: <i>Suahlannak 20: 12-21, Mark 10: 17-31</i> Cāng hril: <i>Mathai 6: 24</i> Kan zir thei mi cu: 1. Thupekpawl le dānpawl cu an thupi tuk ih, thlun teng teng ding a si. 2. Thupek le dānpawl lawng cun Pathian thawn pehtlaihawkna asilole kumkhaw nunnak in pe thei lo. 3. Pathian aiah pathian dang ret hi thil awlte a si.
THEIHTER AW	Tlawnginn ih sikanpawl thlun kan tum theu dan ruat hnuk, a cān ah cun kan hngilh ih, kan pahbālsal theu a si kha. Zohthim ding na pe thei. Minung cu sual thatlonak i khat kan si, Pathian vekih famkim kan si thei lo ruangah si.	Tlawnginn ih sikanpawl thlun kan tum theu dan ruat hnuk, a cān ah cun kan hngilhsalih kan pahbāl theu a si kha. Zohthim ding pe aw. Minung cu misual kan si, Pathian vekih famkim mi kan si thei lo ruangah a si. Thil tha kan tuah ruangah Vanram kan thलग thei lo.
ZIRH AW	Bible Thuanthu sim aw Relpi awla, simfiang hai aw: 1. Thupek Paruknak cu lai na that lo pei ti a si. Lai thahnak thu Jesu ih simfiangnak hmungah dingin <i>Mathai 5: 21-22</i> zoh aw. <i>Tuini ah ziangtin mi kan pehtlaih ding ih, ziangti veki mi nun a hngawr ti ruat uh.</i> 2. Thupek Pasarihnak cu na uire lo pei ti a si. 3. Thupek Pariatnak cu ruk na ru lo pei ti a si. Thukham Thar sungah Jesu in a simfiangsals, cule mi pakhat in na kawr a ruk asile na kawrfual khal pe lawlaw aw, tiah a ti! (<i>Mathai 5: 40</i>) 4. Thupek Pakuatnak cu na innhnen parah theihpinak dik lo na rel lo pei ti a si. Hih sullam cu mi pakhat tuah mi a dik lo zawnghih va rel hi a si, asilole thuhla a hrek vial lawng sim tinak a si ti tlawngtapawl simfiang hai aw. <i>Himi thubuai Jesu ih sim mi hmu dingin Mathai 12: 36</i> sung zoh aw. 5. Thupek Pahratnak cu mi dang thil neih mi na daw lo pei asilole na iksik lo pei ti a si. Mi va daw ti mi cun kan tul mi in petu Pathian rinsan ding tlaksamnak a si. 6. <i>Mathai 19: 16-30</i> tlawngtapawl thawn siartlang uh. Thupekpawl hmuahhmuah thlun ti cun kumkhaw nunnak ro ah a co ding a ti duhnak a si lo ti reltlang uh. Rundamnak cu thil tha tuahnak lawngin ngah thei mi a si lo, thil dang hmuahhmuah tlansan duhnak thawn Bawipa Jesu rinsanin, Pathian kan duhdawt ding ti mi a um a tul a si. Cāng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sungih Appendix B zoh aw – Pathian thulun.	Bible Thuanthu sim aw Relpi awla, simfiang hai aw: 1. Jesu leitlun a rat tikah Dān famkimter dingah le Thupekpawl thawn thutthen dingah a ra a si: (<i>Mathai 5: 17-18</i>) 2. Thupek Pangatnak cu - na nu le pa upataw ti a si - Jesu in a thar in a relnak <i>Mathai 10: 37</i> cun in hmuh. 3. Thupek Paruknak cu – lai na that lo pei ti a si. Laithahnak thu Jesu ih simfiang mi hmugah dingin <i>Mathai 5: 21-22</i> zoh aw. <i>Tuini ah ziangtin mi kan pehtlaih ding ih, ziangti veki mi nun a hngawr ti ruat uh.</i> 4. Thupek Pasarihnak cu – na uire lo pei ti a si. <i>Mathai 5: 27- 28</i> cun Jesu-ih simfiangnak in hmuh. 5. Thupek Pariatnak cu – ruk na ru lo pei ti a si. Jesu in hi thu a simfiangsals. (<i>Mathai 5: 40</i>) 6. Thupek Pakuatnak cu – na innhnen parah theihpinak dik lo na rel lo pei ti a si. Himi sullam cu mi pakhat tuah mi a dik lo zawnghih va rel hi a si, asilole thuhla a hrek vial lawng sim tinak a si ti tlawngtapawl simfiang hai aw. <i>Himi thubuai Jesu ih sim mi hmugah dingin Mathai 12: 36</i> sung zoh aw. 7. <i>Mark 10: 17-31</i> siar aw. Rundamnak cu thil tha tuahnak lawngin ngah thei mi a si lo, thil dang hmuahhmuah tlansan duhnak thawn Bawipa Jesu zumnak ih cohlangin, Pathian kan duhdawt ding ti mi a um a tul a si. Cāng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sungih Appendix B zoh aw – Pathian a pakhatnak.
ZOHSAL AW	Pathian a pakhatnak ah ret thei lo dingih dawntu, Pathian hnakihi thupisawn kan nun ih um thei mi thil ruat dingin mi malte group thenin ruat uh. Kan nun ah Pathian a pakhatnak ah retin, cui thilpawl a taktakih kan hlawn theidān ding lamzin rel uh. (<i>Mathai 6: 33</i> zoh uh)	Jesu leitlun a rat laiah dān hmangin mi a theng danglam. Thil tha tuah ih, Thupekpawl tlun lawng hi a tawk hrimehrim lo tiah a zirh hai. Kan sualpawl ngaidam a sinak dingah Jesu, amah rori cu thawiawknak hrangah a hlanaw. Kan zatei kan tuah ding umsūn cu Jesu cu kan hrangah a thi a si ti zum le rinsan hi a si.
NUNPI AW	Ziangti veki hi zirnak in in challenge? 1. Kan nu le pa, zirhtupawl thu kan lun ih, thil tha kan tuah tikah...thimnakah.... Pathian a lungawi ding ih, kumkhaw nunnak kan nei ding a si tiah kan ruat pang maw? <i>Efesa 2: 8-9</i> zoh aw. 2. Pathian hrang thil dang kan tlansan siang lo ruangah milian tlangval pa riahsia zetih a fehlo veki, thil sual kan tuah ve pang maw?	Ziangti veki hi zirnak in in challenge? 1. Milian tlangval pa veki dānpawl kan tlun ih, kan tha tawk pam tiah ruahnak a nei mi kan si ve pang maw? Dānpawl tlun cu a tha tuk mi a si, asinan cumi cun Pathian thawn pehtlaihnak dik le kumkhaw nunnak in pe thei lo. 2. Thil tha kan tuahnak thawngin si loin, Jesu zumnak thawngin kumkhaw nunnak kan co. Bawipa Jesu lawng hi Pathian hnen kan thlen thei nak umsūn a si. (<i>John 14: 6</i>) (<i>Efesa 2: 8</i>)

	B11 – LEVEL 3 Zirnak 4 – Mosi Thupi – Pathian tluksannak	B11 – LEVEL 4 Zirnak 4 – Dān Thupi – “Pathian Kamsuakthu”
	Bible Thu hlawm: <i>Suahlannak 32: 1-26</i> Cāng hril: <i>Suahlannak 32: 26</i> Kan zir thei mi cu: 1. Israel tefapawl cu Pathian thu thlun loin an dungtawh. 2. A thu thluntupawl hnenah zangfahnak a langter ih, a thlun lo tupawl cu hremnak a pe.	Bible Thu hlawm: <i>Mark 7: 1-23</i> Cāng hril: <i>1 Timothy 1: 15, Rom 5: 8</i> Kan zir thei mi cu: 1. Farisipawl cu midepde an si. 2. Pupapawlih dān le dūn hnakin Pathian Kamsuakthu a thupisawn. 3. Jesu in a dungthluntupawl cu thinlung thiāng uar dingin a challenge hai.
THEIHTER AW	Thil tuah lo dingin sim an si lai ruat dingin tlawngtapawl sut aw Asinan an tuah tho tho thu in netter aw! Ziang a ra thlengkirsal mi um? Hi tawkih thil cang mi cu, Israel tefapawl in Pathian an hngilh ih, milem biaknak ah an kirsal ti simfiang aw.	Kawhhran sungah asilole innsang ih hman theu mi pupapawlih dān le dūn ruattlang uh. Hrekkhat cu an tha men thei nān, hrekkhat cu an tha lo. A tha mi pupapawlih dān le dūn cun Pathian Kamsuakthu fiang zetin a langter, cumi cun Pathian rian le a thu thlun dingah in hruai a si. Asinan cupawl cu Pathian Kamsuakthu hnakin an thupisawn dah lo ding.
ZIRH AW	Bible Thuanthu sim aw Relpi awla, simfiang hai aw: 1. Israel tefapawl cun Sinai Tlang parin Mosi a kirsal ding an hngak caw lo. Curuāngah milem pathian bia in an fehsual. (32: 1-4) Anmah te ih an tuah thei mi milem pathian tuah an duh. Thupek hmaisabik pahni an hngilh man. (Suahlannak 20:1-5) 2. An thulunlonak le sualnak ruāngah Pathian in an miphun huapin siatsuah ding a man (32: 10) asinan cuvek tuah lo dingah Mosi in Pathian a dil. A siatsuah thluh hai lo nak dingah Pathian in an hnenah zangfahnak le ngilneihnak a langter. <i>Ngilneihnak sullam simfiang aw (thi dingih hrem tlak rori mi nunnak zuah).</i> 3. Pathian cun amai duhnak a thluntupawl hnenah ngilneihnak a langter a si (32: 26) asinan mi hrekkhat a thu thlun lo tupawl cu a hrem hai a si. 4. Israel tefapawl lamzin pailtertu Aaron tlunah Mosi a lungawi lo. Israel tefapawl i tuah mi hi a dik lo ti thei ding awm a si laiah, an phunzainak ngaisakin sui caw no lem be dingin a bawm sawn riāngri a si. (32: 22-24) Mi kip ih tuah mi a si ruāngah dik i ih kan theih mi thil kan rak tuah ve theu maw? Cāng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix B zoh aw – Pathian tluksannak.	Bible Thuanthu sim aw Relpi awla, simfiang hai aw: 1. Jesu leitlun a um laiah, Mosi le Israel tefapawl hnenih pek mi Dān an thlun lai a si. Sikhalsehla nundān ding thu ah, Pathian pek mi si lo pupapawl dān le dūn tampi an bet mi a um. 2. Farasipawl cu mi thuthenhmang, Jesu rori hman rak zawihnitpawl an si. Jesu dungthluntupawl ih thil tuah mi ah Pathian Dān an pahbāl a si tiah an sawisel. (Mark 7: 5) 3. Farasipawl cu midepde an si. An thil tuah mipawl cu leng lamih lang, mi hmuahmhuah hmuh thei dingin a si, asinan an thinlung takin an tuah mi si loin, Pathian hlatnak in a si sawn. An biaknak cu a lak men a si, ziangah tile an pupapawlih dān le dūn thupisawnah retin thiānglimtei lāng an duh. (Mark 7: 6-8) 4. Jesu in Farasipawl cu Pathian Dān thlun hnakin, anmai tuah cawp mi dān le dūn..thimnakah.... nu le pa ngaisak ding tivek, an thlun sawn tiah a sawisel. Pathian upat lam hnakin anmai tuahcawp mi dān le dūnpawl thlunin thiānglimtei lāng an duh tiah Jesu in a kawh hai. (Mark 7: 9-13) 5. Thinlung thiāng nei dingah kan hawl lo asile, kan nun ah sualthatlonak miziapawl a ra suak theu, cumi cu ziang tlukin sualthatlonak a si tile, thinlung thiāng a thupitzia Jesu in a dungthluntupawl a zirh hai. (Mark 7: 17-23) Cāng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix B zoh aw–Pathian kamsuakthu.
ZOHSAL AW	Tuisun ih zirmi thuanthu hmanin an zir mi thehsuak dingah tlawngtapawl thusuhnak tawi sutin bawm hai aw.	Mark 7: 21-22 zoh dingin tlawngtapawl sut aw, cule Filipi 4: 8 thawn khaikhin aw. Ziang vek nunzia kan nei dingih, ziangtin a takin kan hmangeth thei ding ti reltlang uh?
NUNPI AW	Ziangti vekin hi zirnak in in challenge? 1. Israel-mipawl an sual cing in an hnenah Pathian in a ngilneihnak a langter vekin, thil sual kan tuah mi ruāngah ngaidam kan dil asile, kan tlunah a ngilneihnak a langter ve ding a si. 2. Pathian cu duhdawttu Pathian a si ruāngah kan sualpawl ruāngih cawhkuan kan tuar ding a duh lo. Curuāngah si kan hrang thi dingah a Fapa a run thlah, cutin kan phu tawh hremnak cu tuar loin, ngaidamnak kan co thei ding a si.	Ziangti vekin hi zirnak in in challenge? 1. Kan thinlung sung taktakih um mi le kan thinlung put zohhliahaw ta loin mi dang va mawthluk le thuthen dingah kan hmanhmawh ding a si lo. (Mathai 7: 1-2) 2. Farasipawl vekin, kanmai tuah cawp mi dān le dūnpawl kaihnget tahratihi nun hi a fuh bik tiah kan hmuaw ding a si lo. Himi cun Pathian upat le duhdawt dingah in dawn thei a si. Kan umdān kan ringhlelaw asile kan nundān in kaihruaitu dingah Bawipa Jesu kan zoh ringring ding a si.

	B12 – LEVEL 3 Zirnak 1 – Khrismas lungawinak! Thupi – Pathian thutiam	B12 – LEVEL 4 Zirnak 1 – Khrismas lungawinak! Thupi – Fapa a suak
	Bible Thu hlawm: <i>Isaiah 9: 1-7; Mikah 5: 2</i> Câng hril: <i>Isaiah 9: 6</i> Kan zir thei mi cu: 1. Jesu suahnak ding thu hi a suah hlanpi kum za tampi ah rak phuan a si zo. 2. Mi tampi cun Jesu suahnak ding beisei zet in an hngak. 3. Jesu cu rei zet an rak hngah mi Messiah a si, anih cu leitlun Tleu a si.	Bible Thu hlawm: <i>Luke 1: 26-38; Luke 2: 1-7</i> Câng hril: <i>Luke 1: 35</i> Kan zir thei mi cu: 1. Kum za tampi liam zo mi ih ngan mi phuansuah mipawl cu Jesu suahnak in a famkimter. 2. Pathian in leitlun mi hrang tumtah a neih vekin Mary le Joseph cun Pathian hman mi si dingah a duhnak an thlun. 3. Jesu suahnak cu Bethlehem khua si dingin than a si.
THEIHTER AW	Nau pai an theih dah mi a um maw ti tlawngtapawl sut hai aw. Naute ra suahnak dingah nu le pa in thla 9 sung rori hngah ding a si thu simfiang aw. Profetpawl cun Jesu ratsalnak ding thu Israel tefapawl hnenah an rak sim, asinan a suah ngaingai cu kum za tampi an hngah a tul.	Ziangtin tumtahnak kan nei ding ti mi tlawngtapawl thawn relltang uh..thimnaha.... năwmawknak, suah ni lăwmnak, thitumnak, rualpi tlawnnak ..tvp. Hi tumtahnakpawl a cansuah lo tikah asilole kan ruah bangin kan fehsuak loih, a ca suah lo tikah ziangtin kan lehrulsal. Mary cun Joseph cu a pasal dingah neih a tum, asinan Pathian cun Mary le Joseph hrang tumtahnak tum zet a nei ti ruat hnik uh.
ZIRH AW	Bible Thuanthu sim aw Relpi awla, simfiang hai aw: 1. Bawhlung sit lehnak an thawk hlanah kawli ziat an kawlaw ding ti kan thei cia lo, asilole kum 40 sungah ziang kan tuah ding ti kan theih cia lo ti tlawngtapawl thawn relltang uh. Kan rel cia thei mai lo ding. Cuti cing cun Isaiah le Mikah cun Jesu suahnak ding thu cu a suah hlan kum za tampi ah an rak phuang cia zo. 2. Profet Isaiah cun thim lakih a rak um mipawl in tleu nasa zet an rak hmu tiah a sim a si. (Isaiah 9: 2) Hi tawkih tleu nasa zet a ti mi hmungah dingah tlawngtapawl cun John 8: 12 sung zoh hai seh. 3. Kum za tampi hnuih Isaiah in a rak phun cia mi a takin a tleng ti hmungah dingah Mathai 4: 14-16 zoh dingin tlawngtapawl sim aw. 4. Leitlun mipawl rundamnak hrang Pathian khawkhan mi ropi mangbangza a sizia le a takih famkim dingah Jew-pawl in kum za tampi an rak hngah zo thu tlawngtapawl thawn relltang uh. Mi tampi cu a suak mi naute hmungah loin an thi. Bible sungah Jesu-ih thuhla zaten kan neih ruangah ka mah in Rundamtu hrangah kan rak theingah thei ti mi hi ziang tluk mangbangza so a si ti ruat hnik aw. Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sungih Appendix B zoh aw – Pathian thutiam.	Bible Thuanthu sim aw Relpi awla, simfiang hai aw: 1. Mary fa a vun ding ti sim dingah Pathian cun vancungmi Gabriel cu a hnenah a thlah. Mary cu fala him a si vekin a thinlung a buai zet, cule ziangtin hi thil a cang ding ti a thei lo. Asinan vancungmi cun a hnenah Pathian duhsaknak na co zo a si ti a nemhngat. (Luke 1: 26-34) 2. Mary cun ziang thil a cang ding ti a thei thlul lo men thei, asinan Pathian rinsan pumhlum ding a si ti a thei. (1: 38) Kan nunnak pumhlum in thleng kumkhua tu ding thu thar ziangtin kan lehrulsal ve ding. 3. Mary a nau hrin tikcu a kim zawngah Nazareth ihsin Bethlehem khua ah hmin khum dingin Mary le Joseph cu khaal an tlawng. Hmin khum dingih thu petu cu Augast as a si. (Luke 2: 1-5) Thuneitu ngaingai cu Pathian a si nan, Augast as cun thuneitu bik vekin a ruataw a si men thei, hi lai cân fangaha si Bawipa Jesu Bethlehem khua ah suak dingin tumtahnak a neihnak cu. 4. Mikah ih thuphuan mi thlengkim dingah Jesu cu Bethlehem khua ah a suak. (Mikah 5: 2) Profet thuphuan Jesu in a thlenkimter hi ziangruangah a thupi si pei. 5. Jesu a suah tikah, Mary cun puan in a tuam ih, naute cu ran kheng ah a hlum. (2: 7) 6. Jew-pawl in an Siangpahrang cu ropi takih ra suak dingih beiseinak thawn rei tak an hngah laiah, Jesu cu ran kheng ah ziangtin a suak thei ti relltang uh. Hivek zawngih thil cang dingin beiseinak neiin, Pathian rikhihsak ding kan si lo ti simfiang hai aw. Himi cu Jesu hrang Pathian khawkhan mi lamzin a si. Anih cun Mary le Joseph a kaihruai ih, an tulsam mi zaten a tuahsak hai. 2 Korin 8: 9, siar aw. Câng pawimawh kha simfiang hai awla, zir dingin thlawngtapawl thape hai aw. Zirnak 1-nak zir dingin thlawngtapawl thape hai aw. Hmuh aw: FBI sungih Appendix B zoh aw –Fapa a suak.
ZOHSAL AW	Tlawngtapawl thawn Isaiah 9: 6 & 7 siar uh, cule Isaiah in Jesu-ih thu a rak phuan mi hminpawl ngan uh. Bawipa Jesu ziangti vekin kawh ding a si ti tlawngtapawl thawn phawrhlang uh.	Tlawngtapawl cu Mary lole Joseph vekin ruatawter hai aw. Hi thuanthu ih thil cang mi parah thumawin Mary lole Joseph nun ih hminsin tlak thuhla nganter hai aw.
NUNPI AW	Ziangti vekin hi zirnak in in challenge? 1. Tleunak ih sinak le zia pawl le ziangtin Jesu cu leitlun tleu a si thei ti tlawngtapawl ruatter hai aw. (Isaiah 9: 2) 2. Jesu cu leitlun tleu a si ti hmungah dingin tlawngtapawl challenge hai aw. Khrismas cân ih mei tleu kan hmuh tikah, Jesu cu Leitlun Tleu diktak a si, cule sual man thihnak le sual thim sung ihsin in runsuak dingin leitlun ih run thlah mi a si ti in mangter tla a si men thei. 3. Tlawngtapawl cun Khrismas a thlen tiang ni tin kaihruaitu dingah Jesu-ih hminpawl cu calendar ah an rak tuah cia thei a si.	Ziangti vekin hi zirnak in in challenge? 1. Kan theithiam lo a si khalke Pathian tumtah mi cohlang dingin Mary vekin kan man ve maw ti tlawngtapawl ruatter hai aw. 2. Mipi in rei tak an hngah zo mi Jesu cu ziangtin kan thungrualsal ve ding? Khrismas cân ih ran kheng sungih hlum mi naute vekin kan hmu satliah ve pang maw? Asilole a hrang ni tinten nun na duh mi Rundamtu a si tiah na hmu maw?

	B12 – LEVEL 3 Zirnak 2 – Khrismas lungawinak! Thupi – Mary – ih mangbangnak!	B12 – LEVEL 4 Zirnak 2 – Khrismas lungawinak! Thupi – Rundamtu a suak
	Bible Thu hlawm: <i>Luke 1: 26-38</i> Câng hril: <i>Luke 1: 32</i> Kan zir thei mi cu: 1. Jesu suahnak ding phuannak a thleng dik, himi cun ziangkimtithi Pathian ih tumtah mi a thupitnak a langter. 2. Mary le Joseph vekin kanmah ten tumtah mi kan nei ve thei, asinan Pathian ih tumtah mi in kan nunnak a luahkhat ringring a si.	Bible Thu hlawm: <i>Luke 2: 8-20</i> Câng hril: <i>Luke 2: 11</i> Kan zir thei mi cu: 1. Khrih, Messiah a ratnak thu ah Van ih vancungmipawl aipung zetin an um. 2. Vancungmi hnen in thuhla an theih hnu, naute Jesu hmuh ding cu tuu khâlpawl in an hiar tuk. 3. Jesu suahnak lawmin, lungawi zetin kan um ding a si.
THEIHTER AW	Ziangtin tumtahnak kan nei ding ti tlawngtapawl thawn reltlang uh, thimnakah.... năwmawknak, suah ni lăwmnak, thitumnak, rualpi tlawnnak ..tvp. Hi tumtahnakpawl a cansuah lo tikah asilole kan ruah bangin kan fehsuak lo ih, a ca suah lo tikah ziangtin kan thungrulsal? Mary cun Joseph cu a pasal dingah neih a tum, asinan Pathian cun Mary le Joseph hrang tumtahnak tum zet a nei ti ruat hnik uh.	Naute suahnak ding thu cu a nu le pa hmangin, card hmangin lole naute zuk hmangin tuangtlamten than si bang hnik sehla ti ruat hnik hman. Himi ah lungawinak le aipuannak a um. Jesu cu mi menmen a si lo ruangah a suahnak ding thuhla tuangtlam takih than ding a si lo ti simfiang aw! Asinan Jesu cu tuangtlamten a ra, curuangah a suahnak thu cu hmaisabik ah tuu khâlpawl in an thei hmais a ti hmins in aw.
ZIRH AW	Bible Thuanthu sim aw Relpi awla, simfiang hai aw: 1. Jehovah in vancungmi Gabriel cu fa na vun ding ti sim dingin Mary hnenah a thlah, asinan Mary cu pasal a nei hrih lo. (câng 26- 31) 2. Hi thil ziangtin a thleng ding ti theithiam loin Mary cu a khawruah a har, asinan vancungmi cun nang cu Pathian duhsaknak cotu na si, zianghtile Pathian hrangah thil cang thei lo a um lo tiah a simfiangsals. (câng 34-37) Himi sullam tlawngtapawl thawn reltlang uh. 3. Mary cu Galilee ihsin ra mi a si ih, Joseph cu David-ih cithlah in a si ti a thupitnak langter aw. Messiah cu Galilee peng ihsin a ra ding ih, (Isaiah 9: 1) David cithlah in a si ding tiah profetpawl sim mi thu hi ziangruangah a thupi ti tlawngtapawl thawn reltlang uh. (Isaiah 9: 7) Hi thuhla cu hmuhsaknak vekin profetpawl in an rak phuan mi tamsawn a thlenkimnak a si. 4. Mary cun thil cang mi cu a thei famkim thluh lo ding, asinan Pathian rinsan ding a si ti a thei. (câng 38) Kan nunnak pumlhun in thleng kumkhua tu ding thu thar ziangtin kan thungrulsal ve ding.. Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sungih Appendix B zoh aw – Mary-ih mangbangnak.	Bible Thuanthu sim aw Relpi awla, simfiang hai aw: 1. Jesu a suah zan ah, tuu khâlpawl cu an tuupawl kilin ramlak ah an um. Zan cân ih tuu kil cu tuu khâlpawl hrangah cun thawmvang a dai zet ding ti kihhmuah aw. (câng 8) 2. Cui zan ah mangbangza thil a thleng! Vancungmi pakhat an hnenah a rung lang ih an tîh ngaingai! <i>Ziangtin an um pei ti tlawngtapawl sut hai aw.</i> (câng 9) 3. Rundamtu, Jesu a suak ti sim dingin an hnenah a ra. (câng 11) 4. Cule hmakhatteah cuih vancungmi thawn vancungmi burpi an rung lang ih, leitlun ih a ra mi Bawipa Jesu suahnak lawmin Bawipa an thangthat. Tuu khâlpawl cu an tuupawl thawn zanthim sungih an um laifangih a rung tle cu ziang tlukin a ropi ding ti simfiang aw. (câng 13-14) 5. Vancungmipawl cun tuu khâlpawl an tan ta ih, zamrangtei feh ih, va zoh dingah an pawksuak. <i>Vancungmi ih sim mi a dik lo asilole kan rak ruah vekin a si hi tiah an ruat khal a si men thei ti mi ziangtin an khansa pei ti ruat aw.</i> 6. Vancungmi ih a rak sim vekin naute cu an va hmu! (câng 16) Pathian an sunlawih ih, an thangthat, cule Rundamtu a suak ti mi kip hnenah an than. (câng 17 le 20) 7. Naute va hmuh ding cu tuu khâlpawl ziang tlukin an tha a tho ih, mipawl hnenah ziangtin a thuhla an thehdarh ti le mi dang hnenah Thuthangtha sim ziang tlukin an duh ti ruat hnik hman. Câng pawimawh kha simfiang hai awla, zir dingin thlawngtapawl thape hai aw. Zirnak 2-nak zir dingin thlawngtapawl thape hai aw. Hmuh aw: FBI sungih Appendix B zoh aw – Rundamtu a suak.
ZOHSAL AW	Câng pawimawh sungih thutiam, vancungmi Gabriel ih sim mipawl ngansuak thluh aw. Siangpahrang si dingin le ziang tuah dingin a ra ti himi Bible câng in ziang kan zir thei mi um? Jesu-ih thuhla ih thutiampawl kan zum ve taktak maw?	Naute suah thuthannak ziang vek a si ti ruatsuak dingin phar lole hmuh theih ih tar ding zuk tuahsuak aw. Vancungmi ih sim mi (Câng pawimawh sung ta) telh awla, lang dingin taraw.
NUNPI AW	Ziangti vekin hi zirnak in in challenge? 1. Kan theithiam lo a si khalle Pathian ih tumtah mi cohlang dingin Mary vekin kan man ve maw? 2. Mipi in rei tak an hngah zo mi ziangtin kan thungrulsal ding? 3. Tumtah mi vekin cangsuak lo khal sehla, kan hmai lam hrang Bawipa rinsan ding kan si ko lo maw?	Ziangti vekin hi zirnak in in challenge? 1. Tuu khâlpawl in mi dang hnenah Jesu thuhla phur zetih an sim vekin mi dang va sim sin ding kan phur ve maw? Jesu suahnak thu hi mangbangza ngaingai a si tiah an ruah vekin na ruat ve maw? 2. Khrismas hi na hrang sullam dik neiin na hmang maw? In Rundamtu si dingah Jesu leitlun ah a ra a si tiah na hmang maw, asilole năwmawknak le puai vek phun in saw na hman?

	B12 – LEVEL 3 Zirnak 3 – Khrismas lungawinak! Thupi – Jesu – ih suahnak	B12 – LEVEL 4 Zirnak 3 – Khrismas lungawinak! Thupi – Ziangkim tlunih Lal an bia
	Bible Thu hlawm: <i>Luke 2: 1-7</i> Câng hril: <i>2 Korin 8: 9</i> Kan zir thei mi cu: 1. Bethlehem ih Jesu-ih suahnak cu a lar tuk lem lo. 2. Pathian Fapa Jesu cu minung ngaingai a si. 3. A suahnak cun kum za tampi liam zo mi ih profet thuphuanpawl a famkimter.	Bible Thu hlawm: <i>Mathai 2: 1-12</i> Câng hril: <i>Mathai 2: 11</i> Kan zir thei mi cu: 1. Jesu a suah laiah mi hrekkhat in an cohlang ih, hrekkhat in an cohlang lo. 2. Pathian in Jesu, Mary le Joseph a kilkhawi hai ih an him.
THEIHTER AW	Khaw sungih ra siangpahrang pa lole nu cu ziangtin an rak dawngsáwng ding ti tlawngtapawl thawn reltlang uh; mipi cun phur zet le hlawptlo zet in an rak hmuak ding a si! Asinan Jesu a suah ve tikah zohman in an thei lo. A thuhla theih tuk lem mi a si lo. A hrang hmanah riahmun a um lo, a riahmun cu ran kheng ah a si.	Naute a suah tikah ziang kan tuah ti tlawngtapawl sut hai aw. Ziangti vekin laksawng kan lei, kan lengaw, naute kan zoh ti ruat aw. Aipuang zetih um cân a si ti simfiang hai aw!
ZIRH AW	Bible Thuanthu sim aw Relpi awla, simfiang hai aw: 1. Mary le Joseph cu hmin khum dingin Nazareth in Bethlehem ah an feh. A hleicein, hi san lai naupai cingih khaulawlawn hi ziang tlukin a har pei ti ruat aw. <i>(câng 1-4)</i> 2. Hmin khum dingih thupetu hi Augastás a si. <i>Thuneitu ngaingai cu Pathian a si nân, Augastás cun thuneitu bik vekin a ruataw a si men thei, hi lai cân fangah si Bawipa Jesu Bethlehem khua ah suak dingin tumtahnak a nei ti mi ruattlang uh.</i> 3. Cu tawk hmun ih an um laiah Jesu a suak, naute cu ran kheng ah an hlum. <i>(câng 3)</i> 4. Messiah cu Bethlehem khua ah a suak ding a si tiah profet thuphuan mi famkim dingah Jesu cu Bethlehem khua ah a suak. <i>(Mikah 5: 2)</i> <i>Jesu in profet thuphuan mi a famkimter hi ziangruangah a thupi tuk si pei ti ruattlang uh.</i> 5. <i>Siangpahrang dingih a suah hi thil thlang tlangpi men vek si loin, Bawipa Jesu hrangih Pathian tumtah mi vekin a si sawn ti reltlang uh. Mary le Joseph cu Pathian in a kaihruai, cule an tulsam mi a pe.</i> 6. Jew-pawl in an Siangpahrang cu ropi takih ra suak dingih beiseinak thawn rei tak an hngah laiah, Jesu cu ran kheng ah ziangtin a suak thei ti reltlang uh. Hivek zawngih thil cang dingin beiseinak neiin, Pathian rikhihsak ding kan si lo ti simfiang aw. Câng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sungih Appendix B zoh aw – Jesu-ih suahnak.	Bible Thuanthu sim aw Relpi awla, simfiang hai aw: 1. Jesu a suah laiah Herod cu siangpahrang a si. 2. Mifimpawl cu nisuahnak lamin an ra thlang, cule arsi an hmuh mi cun siangpahrang thar a suak ti an thei. Zo siangpahrang a si ti Herod an sut. <i>(câng 1-2)</i> 3. Siangpahrang Herod cu a theih mi thuthang cun a buaiter, ka tokham ih totu ding a dang siangpahrang an um thei lo tiah a ti. Bawipa Jesu vekin, anih cu Israel siangpahrang dingah dân thawn milawih ra suak a si lo ruangah a si. Curuangah a si “siangpahrang” hi a thinlung a buai. <i>(câng 3)</i> 4. Cule anih cun mifimpawl cu va feh uhla ngunngaih zet in naute cu va zingzawi uh, nan hmuh le in simsal uhla, kei khal in ka be ve ding tiah a ti. Asinan a ngaingai cun Herod in naute thah a tum mi a si. <i>(câng 7-8)</i> 5. Mifimpawl cun arsi an thlun phah vivo ih naute umnak inn cu an hmu. A hnen an thlen laiah naute hi kum khat lole kum hnih mi hrawngte a si men thei. An hmuh tikah cun an aipuang nasa! An bawkkhupih amah cu an bia, thilpek an ken mi sui, frankincense le mura tla an pe. <i>(câng 10-11)</i> 6. Jesu thah duhtu Herod hnenih kirsal lo dingin Pathian in an mang ih a sim hai ruangah anmai ram ah lamzin dang in an tlung. Jesu himter dingah Pathian thu an thlun ih, lamzin dang in an tlung. <i>(câng 12)</i> 7. <i>Jesu suahnak thu ah Herod le mifimpawl-ih thungrudân a kalhaw. Herod cun Jesu cu a laltokham lawngtu dingih a hmuh laiah annih cun Jesu cu Messiah, leitlun Rundamtu in an hmu a si.</i> Câng pawimawh kha simfiang hai awla, zir dingin thlawngtapawl thape hai aw. Zirnak 3-nak zir dingin thlawngtapawl thape hai aw. Hmuh aw: FBI sungih Appendix B zoh aw –Ziangkim tlunih Lal an bia.
ZOHSAL AW	Bethlehem khua ih Jesu-ih suahnak thuthang ca than dingin mi malte group thenin ngan uh.	Zirnak 3 bawmtu dingah tuisun ih zir mi zohkirsal pahin tlawngtapawl cu thusuhnak tawite sut hai aw.
NUNPI AW	Ziangti vekin hi zirnak in in challenge? 1. Jesu suahnak hi mipawl in an thei tuk lem lo, zianghaitle amah an theih lo ruangah a si. Kannih cun tu-ah kan thei, asile kan theifiang ngaingai maw? Khrismas cân ah ran kheng sungih hlum mi naute vek hrawngin na hmu maw? Asilole ni tinten a hrang nun kan duh mi Rundamtu so a si? 2. Kan sualpawl hrang khraws parih thi dingah Jesu cu minung ah a rung cang a si. Rundamnak hrang Pathian ih tumtah ropi zet mi hi kan theifiang ngaingai maw?	Ziangti vekin hi zirnak in in challenge? 1. Hi thuanthu sungih mifimpawl vek kan si ve maw? Bawipa Jesu be ding le thilpek pe dingin thinlung takten kan hawl ve maw? Asilole thilpek in pek ding le bawm ding beisein, a hnenah thilpek zianghman pe kirsal lo mi kan si ve pang maw? 2. A hnenin thil an ngah ruangah si loin, zo a si ti mi sawn ruangah mifim cun tuisun khalah Jesu an bia ih, an hawi rero lai a si.

	B12 – LEVEL 3 Zirnak 4 – Khriśmas Lungawinak! Thupi – Vancungmi thucah	B12 – LEVEL 4 Zirnak 4 – Khriśmas Lungawinak Thupi – Rundamnak!
	Bible Thu hlawm: <i>Luke 2: 8-20</i> Câng hril: <i>Luke 2: 11</i> Kan zir thei mi cu: 1. Pathian Fapa, Bawipa Jesu ratnak cu Van ih vancungmipawl an hlim nasa. 2. Vancungmi hnenin thuhla an theih hnuah naute Jesu va hmuh ding cu Tuu khăltupawl in an hiar tuk. 3. Kannih khal in Jesu-ih suahnak lawmin, phur zetin kan um ve ding a si.	Bible Thu hlawm: <i>Luke 2: 25-40</i> Câng hril: <i>Isaiah 7: 14</i> Kan zir thei mi cu: 1. Naute Jesu suah cân ah mipi cu lungawiin an um. 2. Jesu an dawnsawndân a hnawk nasa. Mipi in lungawiten Jesu an cohlang ding maw, duh loin an hnawng pumhlum ding saw ti mi a si. 3. Bawipa Jesu cu Pathian-ih rundamnak, leitlun tleutertu dingih thlah mi a si.
THEIHTER AW	Naute suahnak ding thu cu a nu le pa hmangin, card hmangin lole naute zuk hmangin tluangtlamten than si bang sehla ti ruat hnuk hman. Himi ah lungawinak le aipunnak a um. Jesu cu mi menmen a si lo ruangah a suahnak ding thuhla tluangtlam takih than ding a si lo ti simfiang aw!	Naute suahnak ding thla kua lai an rak hngah rero zo vekin, a suah ni a thlen tikah mipi cu an tha a tho nasa. Hi tawkih kan zir ding mi mipi cun an hnenah naute pe dingih tiam a si zo vekin an nun sung hmuah in naute hmungah dingan an hngak ti simfiang aw– a netnak ah cun an lungawi zet ding!
ZIRH AW	Bible Thuanthu sim aw Relpi awla, simfiang hai aw: 1. Jesu a suah zan ah, tuu khălpawl cu an tuupawl kilin ramlak ah an um. Zan cân ih tuu kil cu tuu khălpawl hrangah cun thawmvang a dai zet ding ti kiihnmuh aw. (câng 8) 2. Cui zan ah mangbangza thil a thleng! Vancungmi pakhat an hnenah a rung lang ih an tih ngaingai! <i>Ziangtin an um pei ti tlawngtapawl sut hai aw. (câng 9)</i> 3. Vancungmipawl cun Rundamtu, Jesu a suak ti sim dingah an ra. (câng 11) 4. Vancungmi burpi an rung lang ih leitlun ih a ra mi Jesu suahnak lawmin, Pathian thangthatnak hla an sak. (câng 13-14) Tuu khăltupawl hrangah hivek tleu hmuh cu ziang tlukin so a ropi ding ti simfiang aw. 5. Vancungmipawl cun tuu khăltupawl an tan ta ih, zamrangtei feh ih, va zoh dingah an pawksuak. Vancungmi ih sim mi a dik lo asilole kan rak ruah vekin a si hi tiah an ruat khal a si men thei ti mi ziangtin an khansa pei ti ruat aw. (câng 15) 6. Vancungmi ih rak sim vekin naute cu an va hmu! (câng 16) Pathian an sunlawihin an thangthat, cule Rundamtu a suak ti mi kip hnenah an than. (câng 17 le 20) 7. Naute va hmuh ding cu tuu khălpawl ziang tlukin an tha a tho ih, mipi hnenah ziangtin a thuhla an thehdarh ti le mi dang hnenah Thuthangtha sim ziang tlukin an duh ti ruat hnuk hman. Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix B zoh aw –Vancungmi thucah.	Bible Thuanthu sim aw Relpi awla, simfiang hai aw: 1. Simeon an ti mi pa cu Pathian hngaihsak mi, a thu a thluntu a si. (câng 25) 2. Thlarau Thianghlim in a hnenah Bawipaih Khrih a hmuh hlanah cun anih cu a thi lo ding tiah a rak tiam cia. (câng 26) <i>Hi thil hi a thleng dik ngai pei maw, ngai lo ding tiah a tar zet hnuah Simeon in ziangtin a ruat pei reltlang uh.</i> 3. Ni khat cu Mary le Joseph in naute Jesu an rak hruai laiah Simon cu Temple sungah a um. 4. Simeon cu a lungawi tuk ih, Pathian a thangthat, cule naute cu thlawsuah a pe. (câng 27-28) 5. Luke 2: 31-35 sungah Simeon in anih cu mi tampi lungawinak ding a si ih, mi tampi in an dodal ding a si. <i>Simeon ih sim mi sullam hi phawrh-suah tum hnuk uh.</i> 6. Anna an ti mi profet nunau pakhat khal Temple sungah a rak um ve. Anih cu sun le zan rawl ul le thlacamin Temple sungah a um. (câng 36-37) 7. Naute Jesu a hmuh tikah, Pathian hnenah thangthatnak a hlan, cule mipi hnenah naute thuhla cu a sim hai. (câng 38) 8. Jesu cu a nu le pa thawn an tlungkirsal, cule naute cu a thang ih, fimnak in a khat. Pathian zangfahnak a parah a um. <i>Jesu cu amah kum zat nauhakpawl hnakin ziang vekin a danglam ti simfiang aw.</i> 9. <i>Simeon le Anna in naute thu ih an săwnkirmak thu ah Joseph le Mary in ziangti vekin an ruat pei ti ruat uh.</i> Câng pawimawh kha simfiang hai awla, zir dingin thlawngtapawl thape hai aw. Zirnak 4-nak zir dingin thlawngtapawl thape hai aw. Hmuh aw: FBI sungih Appendix B zoh aw –Mangbangza Khriśmas.
ZOHSAL AW	Naute suah thuthannak ziang vek a si ti ruatsuak dingin phar lole hmuh theih ih tar ding zuk tuahsuak aw. Vancungmi sim mi (Câng pawimawh sung ta) telh awla, lang dingin taraw.	Naute duhnungte tlunah Mary le Joseph cu nasa zetin lungawinak an nei. Câng pawimawh zir aw, cule tuisun ih zir mi thu group thenin reltlangnak nei uh.
NUNPI AW	Ziangti vekin hi zirnak in in challenge? 1. Tuu khăltupawl in mi dang hnenah Jesu-ih thuhla phur zetih an sim vekin mi dang va sim sin ding kan phur ve maw? Jesu suahnak thu hi mangbangza ngaingai a si tiah an ruah vekin na ruat ve maw? 2. Khriśmas hi na hrang sullam dik nei zetin na hmang maw? In Rundamtu si dingah Jesu leitlun ah a ra a si tiah na hmang maw, asilole năwmawknak le puai vek phun in so na hman? (2 Korin 9 :15)	Ziangti vekin hi zirnak in in challenge? 1. Simeon le Anna cu Pathian ngaihsak mi an si. Pathian ngaisak mi kan si ve maw? Pathian hnenah thlacamin, Bible kan siar ve maw? 2. Câng pawimawh in Jesu cu “Immanuel” a si tiah a ti, a sullam cu “Pathian kan hnenah a um” tinak a si. Himi kan zum a si ahcun ziangti vekin kan nung ding?

Zirnak Hmat Pekdan Sayapawl Khiihmuhtu

Level 3 zirnak pawl

- Tlawngtapawl in Bible siar loin himi zirnak hi an zir thei lo ding, Bible thuhlawm pahnih tal an siar a tul ding.
- Thusuhnak cu a phunphun in tuah a si: tawngfáng hnaw, tawngfáng kim lo, tawngfáng thupawl...tivek.
- Himi zirnakpawl hi Chin Standard Bible asilole Chin King James Version, Falam Baibal Thiang pawl hman ih zir ding le phi ding ih tuah mi an si. Chin Standard Bible hman asile a sung thu ngan mi thawn a mil-aw deuh bik men thei.
- Kan tumtah mi cu tlawngtapawl in ziang Falam Bible hman khalih an zir theih le thusuhnakpawl an phi thei ding hi a si.
- An phi mi an dik thluh asile zarh khat hrangah Hmat 20 ruat a si ih, thla khat hrangah hmat 80 ruat a si.
- Level 3 – A tlangpi in thusuhnak a phi pakhat ah hmat 1 a si.

Level 4 Zirnak

- Himi Level 3 Zirnak pawl hi an har deuh cuang.
- Thusuhnakpawl khal ruah deuh an tul ih, phi tengteng tul an si.
- Tlawngtapawl in thusuhnakpawl an phi thluh ih an dik thluh asile, zarh khat hrangah hmat 20 ruat a si ih, thla khat hrangah hmat 80 ruat a si.

HMAT PEKDAN DING

Sayapawl ih tuah hmaisat ding mipawl:

- Zirnak tin cek awla a soal le a dik kha thaten cek aw.
- Khiihmuhnak vekin hmat laksawng tla pe hai aw.
- An phi mi cahnah parah a dik mi kha hmat pe thluh awla, ball pen rawng phun dang hman ringring aw.
- An soalnak ah a dik mi a phi ngansak vivo hai aw, cule spelling soal mi khal remsak hai aw.
- A then a zar/ kim loih a phi an ngan mi cu hmat mal deuh pe aw.
- An zirnak cabu dung lamah khan a lawngnak a um ding, thla khat a kim hnuah an ngah mi hmat kawm ngan tengteng aw.

Hmat hi siang zet le dik zetih pe ding in kan lo fawrh duh, tlawngtapawl in an Bible thawih Bible an zir ding hi kan saduhtah bik mi a si. Thla tin saya in tlawngta hnenih thapeknak ca ngan hi a thupi zet, zirnak cabu cemnak lamah khan cuvek thapeknak thu ngannak ding a um. Ball pen colour zoh mawi te le danglam deuh ih ngan a tha. Tlawngtapawlih hmat ngah zat khal fiangfaiten ngansak aw.

Hmat pe in theiinternak le faknak kan ngan tikah bangaw ringring loin, tawngkam phun dangdang hman a thupi zet. Thusuhnak, theiinternak, zohhliahnak, thapeknak...tivekin, cupawl cu tawngkam phun dangdang zawngin na ngan pei. Cuvek ngan thei ding cun ruah nguigo tla a tul, a thupi mi cu tlawngtapawl an phur ding le zir an duh deuhdeuh theinak ding hi a si. Thla tin na ngandan, na tawngkam a bangaw ringring asile, an ning ding ih, an thathawhnak a hlo vivo thei.

LEVEL 3

Faknak tlangpipawl

“Na ti tha tuk! Thusuhnakpawl thaten na siar ih na ruat ti na phi mi cahnah in a lang. Na phi mi netabik kha ka duh hleice, na tawngkam te khal siar an nuam ih an fiang zet.”

“Jonathan, thungaihtlak suahin Bible thu na zir ti ka hmu ih ka lungawi tuk. Thusuhnak na phi mi zaten a dik thluh zikte. Na phi mipawl lak ihsin mawi sinsin le famkim sinsin ding in malte ka lo betsak.”

Thlarau lam faknak

“Mosi cun Israel tefapawl thawn harsatnak ziangmaw zat a nei, asinan cuih thubuai le harsatnak haikiang le tife dingah Pathian in amah Mosi lawng a tuahter lo.”

“Joseph in Pathian duhdawt dingih a pa ih a zirh mi cu ziangtik khalah a hngilh dah lo. Cumi cu an inn ihsi hmun hlapih ih a um lai khalah a cing ringring.”

“Bartimas cu Bawipa Jesu hnen feh ding in thutluknak a tuah. Atu ah cun khua a hmu thei thlang, Jesu a pan hi a siraw hrhmrim lo, Jesu cu mi danglam, mihleice a si ti a thei.”

LEVEL 4

Faknak tlangpipawl

“Na zir mi a phi na ngan mipawl hi an tha tuk lala. Na phi mi cahnah ka siar tikah na zir mi Bible thuanthu hi na siar ih na theithiam zet ti a lang, na zir mi thuanthu hi nuam na ti ka zum. Na zirnak hi can pe in tha tukih na siar le na phi ruangah ka lo lawm taktak a si.”

“Mary, na ti tha tuk lawmmam. Na phi mipawl ka siar tikah, na zir mi hi famkim in na theifiang deuh lo ti a lang. Siarsal hnuk awla, na theithiam ka zum.”

Thlarau lam faknak

“Tahthimnak thupawl hi an thuk deuh ih, an sullam theithiam an har deuh theu. Zirnak 3-nak ih tahthimnak thu-ih sullam thuk deuhin ruat hnuk aw.”

“Stefen cu thih sia in a thi, asinan thih a thi lo lawlaw, ziangah tile Pathian in ziangkim a uk thluh ti a thei ih, van ah Baw Jesu hnenah a um ding ti a thei fawn.”

Appendix A - Level 3 Free Bible Zukpawl

	Title	Thuanthu Zukpawl
B7	Joseph-ih nun	Izip ram thlingthlaknak
		https://www.freebibleimages.org/illustrations/joseph-ruler/
		https://www.freebibleimages.org/illustrations/joseph-brothers-1/
		Benjamin le Thuthang sia!
		https://www.freebibleimages.org/illustrations/joseph-brothers-1/
		https://www.freebibleimages.org/illustrations/joseph-reunion/
		Ngaidamnak le thu lungawium!
		https://www.freebibleimages.org/illustrations/joseph-reunion/
		Izip ah an sungkua ten
		https://www.freebibleimages.org/illustrations/joseph-reunion/
B8	Thuthangtha ngantupawl	Mathai
		https://www.freebibleimages.org/illustrations/gnpi-027-matthew/
		https://www.freebibleimages.org/illustrations/gnpi-096-jesus-crucifixion/
		Mark
		https://www.freebibleimages.org/illustrations/peter-prison/
		https://www.freebibleimages.org/illustrations/jesus-capernaum/
		Luke
		https://www.freebibleimages.org/illustrations/jesus-tempted/
		John
		https://www.freebibleimages.org/illustrations/gnpi-104-appearance-thomas/

Appendix A - Level 4 Free Bible Zukpawl

	Title	Thuanthu Zukpawl
B7	Joseph-ih nun	A no laiuh hniksakkak
		https://www.freebibleimages.org/illustrations/joseph-prison/
		https://www.freebibleimages.org/illustrations/joseph-prison-dreams/
		Ram ukto cawisannak
		https://www.freebibleimages.org/illustrations/joseph-pharaoh-dreams/
		Mi a ngaisakkak mizia
		https://www.freebibleimages.org/illustrations/joseph-ruler/
		https://www.freebibleimages.org/illustrations/joseph-brothers-1/
		A ngaidam thluh hai
		https://www.freebibleimages.org/illustrations/joseph-reunion/
		https://www.freebibleimages.org/photos/joseph-jacob/
B8	An nun lam tluanah	Khristianpawl cu hmunkhatte ah
		https://www.freebibleimages.org/illustrations/pentecost/
		https://www.freebibleimages.org/illustrations/peter-john-arrested/
		Khristian tihnimnak
		https://www.freebibleimages.org/illustrations/gnpi-106-great-commission/
		https://www.freebibleimages.org/illustrations/gnpi-013-jesus-baptism/
		Bawipa Zanriah
		https://www.freebibleimages.org/illustrations/last-supper-jesus/
		Khristianpawl vekih than
		https://www.freebibleimages.org/illustrations/paul-last-days/
		https://www.freebibleimages.org/illustrations/paul-last-days/

Appendix B - Level 3 Free Bible Zukpawl

	Title	Thuanthu Zukpawl
B9	Mosi	Bawmte sungih naute
		https://www.freebibleimages.org/illustrations/yo-moses1/
		A tusual mi tum zet
		https://www.freebibleimages.org/illustrations/yo-moses1/
		Hram bûr kâng
		https://www.freebibleimages.org/illustrations/yo-moses2/
		Pathian-ih thuchah phuang
		https://www.freebibleimages.org/illustrations/yo-moses2/
B10	Mosi	Lanta puai Tuufano
		https://www.freebibleimages.org/illustrations/yo-moses2/
		Tipi Sen
		https://www.freebibleimages.org/illustrations/yo-moses3/
		Harsatnak lamzin
		https://www.freebibleimages.org/illustrations/yo-moses3/
		https://www.freebibleimages.org/illustrations/yo-moses3/
		Dar Rul
		https://www.freebibleimages.org/illustrations/yo-moses3/
		https://www.freebibleimages.org/illustrations/yo-moses3/

Appendix B - Level 4 Free Bible Zukpawl

	Title	Thuanthu Zukpawl
B9	Mosi	Siangpahrang
		https://www.freebibleimages.org/illustrations/baby-moses/
		https://www.freebibleimages.org/illustrations/moses-prince/
		Tuu khâltu
		https://www.freebibleimages.org/illustrations/moses-burning-bush/
		Le chef
		https://www.freebibleimages.org/illustrations/moses-pharaoh/
		https://www.freebibleimages.org/illustrations/moses-plagues-1/
		Runsuahtu
		https://www.freebibleimages.org/illustrations/moses-plagues-2/
B10	Mosi	Tipi sen an tan
		https://www.freebibleimages.org/illustrations/moses-red-sea/
		Sinai Tlang parah
		https://www.freebibleimages.org/illustrations/moses-sinai/
		Meisa sungin
		https://www.freebibleimages.org/illustrations/moses-golden-calf/
		Ram car hmun ah
		https://www.freebibleimages.org/illustrations/moses-serpent/
		https://www.freebibleimages.org/illustrations/gnpi-017-nicodemus/

Appendix C - Level 3 Free Bible Zukpawl

	Title	Thuanthu Zukpawl
B11	Mosi	Pathian Tawnnak
		https://www.freebibleimages.org/illustrations/moses-sinai/
		Pathian Theihnak
		https://www.freebibleimages.org/illustrations/moses-sinai/
		Pathian Thulun
		https://www.freebibleimages.org/illustrations/moses-golden-calf/
		https://www.freebibleimages.org/illustrations/gnpi-074-rich-ruler/
		Pathian Tluksannak
		https://www.freebibleimages.org/illustrations/moses-golden-calf/
B12	Khristmas Lungawinak!	Pathian-ih Thutiam
		https://www.freebibleimages.org/photos/prophecies-birth-jesus/
		https://www.freebibleimages.org/illustrations/rg-names-jesus/
		Mary-ih mangbangnak!
		https://www.freebibleimages.org/illustrations/gnpi-003-birth-announcement/
		https://www.freebibleimages.org/illustrations/christmas-jesus-birth/
		Jesu-ih suahnak
		https://www.freebibleimages.org/illustrations/ed-jesus-birth/
		https://www.freebibleimages.org/illustrations/gnpi-007-birth-jesus/
		Vancungmi Thucah
		https://www.freebibleimages.org/illustrations/yo-christmas-story/
		https://www.freebibleimages.org/illustrations/christmas-shepherds/

Appendix C - Level 4 Free Bible Zukpawl

	Title	Thuanthu Zukpawl
B11	Dän	“Pathian pakhat”
		https://www.freebibleimages.org/illustrations/moses-sinai/
		https://www.freebibleimages.org/illustrations/moses-golden-calf/
		“Pathian-ih lamzin”
		https://www.freebibleimages.org/illustrations/moody-moses-commandments/
		https://www.freebibleimages.org/illustrations/gnpi-066-stooped-woman/
		“Pathian a pakhatnak”
		https://www.freebibleimages.org/illustrations/moody-moses-commandments/
		https://www.freebibleimages.org/illustrations/jesus-rich-man/
		“Pathian Kamsuakthu”
		https://www.freebibleimages.org/illustrations/feeding-5000/
		https://www.freebibleimages.org/illustrations/jesus-withered-hand/
B12	Khristmas Lungawinak!	Fapa a suak
		https://www.freebibleimages.org/illustrations/christmas-jesus-birth/
		Rundamtu suahnak thuthan a si
		https://www.freebibleimages.org/illustrations/christmas-shepherds/
		Siangpahrang Biaknak
		https://www.freebibleimages.org/illustrations/christmas-wisemen/
		Khrismas Mangbangza
		https://www.freebibleimages.org/illustrations/simeon-anna/



© Bible Educational Services 2020
(FBI Links 2023)

www.besweb.com

Registered Charity UK CIO 1186004

CFM (Falam Chin) 04/2024